





BAIM PNG MADE NA KAMAPIM MOA WOK

KISIM RAIT PLAN BLO SMARTPHONE BLO YU

Kisim internet we igat bikpla speed na i isi to usim to liklik prais tasol



K15 bilien dinau baset

- K15.144 bilien bilong 2014
- K2.3 bilien dinau
- K386 milien saplamenti baset
- Bikpela lukluk stap long

- 7-pela projek
- Gavman dinau na spending i kamapim defisit
- No gat nupela takis

Lukim stori long pes 4,5



GLASIM BASET:
Ol savelain na ol wokman i stap insait long baset 2014 lokap i glasim ol baset pepa bipo Tresari Minista Don Polye i tok aut long Palamen long Tunde apinun.
Foto: Nicky bernard



BASET 2014
insait...p4 na 5

Sekyuriti hevi long Manus Asailam senta- P3

Ol stil lain salim paspot bilong Australia - P5

Ol Wantok kris-mas promosen wina - P20




Tem na Kondisen Istap.

Painim CASH MONI bilong yu insait long Botol Oil

"Painim CASH MONI insait long ol GLOBE na SITA Kukkin Oil Botol"

Na kamap Wanpela LAKI WINA NAU!




Sapos yu painim displa ol CASH Moni:

K1000	K500	K100
K50	K10	SITA 250ml
K50	K10	Fi SITA 250ml Botol

Hariap!!! Baim ol GLOBE na SITA Kukkin oil bilong yu NAU

"Insait long lid" bilain yu rausim sil. Go kisim CASH MONI bilong yu long Globe dealer or kolim **Globe Hotline 422 3066**

Promosin bai pisa long 31st December 2013

GLOBE
Tetela Krismas long PNG

K15 bilien dinau baset

Stanley Nondol i raitim

TRESARA bilong kantri, Don Polye i tokaut long moa long K15 bilien baset bilong 2014 tasol dispela rikod base em i dinau baset long K2.3 bilien na kisim dinau bilong kantri i go antap moa long K16 bilien.

O'Neill gavman i lusim planti mani we i no stap long 2013 mani plen bilong kantri na tu bin kisim planti dinau na kantri i sot long K2.3 bilien na Minista Polye i tokaut long dinau baset bilong 2014.

Dispela em namba tu bikpela dinau baset bilong O'Neill gavman na namba wan em long K13 bilien dinau baset bilong 2013.

Total dinau baset bilong 2014 i sanap long K15.144 bilien egensim total win mani o reveniu kantri mekim long 2013 i sanap long K12.7 bilien.

Dispela i lukm mani plen bilong kantri long yia 2014 i sanap long K2.3 bilien o 5.9 pesen bilong GDP.

Gavman long namba wan taim i rausim Developmen na Rikaren baset na givim long nupela nem, kepitol ekspenditsa.

Total kepitel Ekspenditsa i sanap long K7.271 bilien. Na operesenel ekspenditsa i



Tresari minista, Don Polye i karim baset 2014 i go tokaut long Palamen.

sanap long K7.837 bilien.

Tresara Don Polye i tok K15.144 bilien bilong 2014 i winim 2013 baset long mani mak bilong K1.8 bilien o 13.8 pesen.

Wankain taim Minista Polye i tokaut long palamen long K386 milien saplamenti baset bilong 2013. Dispela bai go long 2015 Pasifik Gems.

Minista Polye i tok mani plen bilong gavman i lukluk long 7 pela ki eria em long strongim ikononik, ol bikpela

infrastraksa, fri helt na edukesen, strongim mineral na petroleum aset, strongim lo na oda na egrikalsa na turisim sekta wantaim SME long sapotim ol liklik Papua Niugini bisnis.

O'Neill gavman i givim K1.492 bilien i go long provins, distrik na LLG.

I gat K890 bilong distrik we wan wan distrik bai kisim K10 milien na provins bai kisim K5 milien na LLG K500,00. Dispela em wankain long 2013 baset.

Minista Polye i tok namel long tu na tri bilien defisit o dinau i kamap bikos gavman i yusim sampela mani long 14 pesen we i no stap long 2013 mani plen na dinau bilong gavman long 2013 i bin go antap. Dispela apim dinau bilong gavman i go antap long K16 bilien.

O'Neill gavman i bin mekim dinau baset long 2013 na Mista

Polye i tok gavman bai go het long mekim dinau long 2 na 3 yia namel long 2013 na 2017. Mista Polye i tok dispela i kamap long strongim ikononik na developmen.

Tresara i tok bikpela lukluk i stap long PNG LNG projek we bai salim namba wan ges go aut stat long namel bilong 2014. Dispela bai pulim bikpela winmani kam na groim ikononik, apim baset, na pinisim ol dinau bilong gavman.



Polis Ripot

Polis arestim narapela polisman

NCD: Ol polis i arestim wanpela polisman na sasim em long kilim dai wanpela sumatin long Milen Be provins long mun Mas. Ripot i tok bihain long wanpela trabel i bin kamap, ol polis i paia long gan long Kwato Komyuniti Koles.

Ripot i tok sevenpela polisman wantaim Saiden David Tavolla i go long KB estet tasol ol stilman i bin ranawe. Ol i lukim tupela sumatin pinisim sios felosip na wokabout i kam. Ripot i tok ol polis sut long ol na kilim i dai Dickson Paru Aku bilong ples Mutuyuwu. Em i gat 21 krismas. Ol polis i mekim wok painimaut i go na ol arestim Tavolla.

Polis arestim kon meri

NCD: Polis i arestim wanpela meri husat i giamanim 15 pipel long stretim rot bilong ol i go wok long prut fam long Australia. Polis ripot i tok Mary Tengdui i bin promis long helpim Tep Kintio na 14 arapela pipel na em i kisim K48,000 long ol. Em i no stretim rot bilong ol na em i no bekim mani bilong ol. Ol dispela 15 pipel i putim ripot long polis.

Ol polis i holim Misis Tengdui na putim em long rumgat. Dispela trabel i bin kamap long Mt Hagen.

Polisman bagarapim meri

NCD: Ol polis long Mosbi i arestim na sasim wanpela polisman long bagarapim meri. Dispela polisman i bilong ples Murip long Kandep long Enga Provins. Ripot i tok em i mekim pasin nogut insait long Boroko Polis stesin long Sarere Novemba 9.

Raskol stilim kar

wantaim pikinini

NCD: Polis ripot i tok ol raskol i hensapim wanpela draiva na stilim kar bilong em long Hohola 4 long NCD.

Ol saspek i yusim wanpela pistol na holim man husat i draivim wanpela Nissan Bluebird kar. I gat wanpela liklik pikinini man i stap insait long kar. Ol i putim ripot long polis tasol ol polis i wok long painim yet ol trabelman.

Stilman brukim haus

Madang: Foapela raskol i bin brukim wanpela haus na kisim ol samting insait long haus.

Dispela trabel i bin kamap long Modilon rot long 9 klok moning long Novemba 12. Plis ripot i tok ol i kisim ripot na arestim Bata Philip husat i gat 24 krismas na i bilong ples Honbi long Simbu Provins.

Teksim Wari, Tingting, Palnm Pren, Wantok o Pas bilong yu I kam nau.. Digicel namba: 7235 6149

Dia Wantok Nius, mi Noggie David. Na mi gat 21 krismas, mi bilong Manus ailan. Mi singel man, so mi tingting olsem mi pretim dispela sik HIV/AIDS, so mi laikim wanpela poromeri bilong PNG. Bai mitupela i ken marit na stap wantaim. Husat i gat laik, yu ken ringim mi long dispela namba 7349 6681. Tenk yu, *Wantok Niuspepa*.

Dia Wantok Niuspepa, mi bilong Wes Nu Briten na mi no amamas long ol asples man i lusim ples na kam paulpaul long taun na sanap long ai bilong ol stua na giamanim ol manmeri long singautim mani nating long ol. Ol i no gat ID Kad na risit. Mi laikim ol loman i mekim sampela rot na rausim ol i go long ples na putim han long graun na bai ol i gat mani.

Jack T- WNB

Dia Wantok Niuspepa, Olgeta taim ol gutpela sitisen pipel bilong PNG i save kisim taim long ol man i save dring hombru o kukim hombru na salim. Gavman i save lusim bikpela mani bilong developim kantri PNG na i no save pinis. Plis em isi tru long stopim. Sapos gavman i stopim bia long ol outlet sop o suga long hap long provins inap sikis mun o wanpela yia bai gavman i lukluk long kraim reit bilong hombru long kantri PNG em bai pinis.

Sangu – Mendefasii, Kapa Kavieng NIP

Dia Wantok Niuspepa, krismas bilong mi em 21 na wanpela eks Maun Diamond Adventis Sekenderi skul. Mi bilong Mini-amia Morobe Provins na mi laikim olsem; na tude mi teksim yupela long putim namba bilong mi long niuspepa bilong yupela. Yu ken ringim mi long dispela namba 7237 0063. Tenk yu ol *Wantok Nius* helpim bilong yupela.

Gerson Solulu skolasip bai stap yet

Bustin Anzu i raitim

MOROBE Provinsal Gavman bai skruim na sapotim Gerson Solulu Skolasip bilong ol Morobe sumatin long Papua Niugini.

Ol i apim baset bilong helpim ol elementeri, praimer, sekenderi na ol koles insait long provins.

Ol tisa tu bai kisim luksave long provinsal baset long kirapim sampela haus bilong slip, alowens na kisim skolasip long wokim moa stadi.

Siaman bilong edukesen na presiden bilong Leron/Wantoat Lokal Level Gavman Andrew Gena i mekim dispela tok-

tok bihain long namba 10 greduesen bilong Gret 12 long Lae Sekenderi Skul long las wik.

Em i tok provinsal gavman aninit long lukaut bilong Gavana Kasiga Kelly Naru bai sapotim na skruim dispela skolasip long developim human risos bilong provins na long kantri tu.

"Gerson Solulu skolasip bilong ol pikinini Morobe long ol koles i bin kisim K5.6 milien long helpim ol sumatin long dispela yia. Sampela bilong ol sumatin nau ol i greduet bai kisim skolasip helpim long neks yia tu," em i tok.

Em i tokim ol sumatin tu olsem edukesen i no pinis

nau na kisim setefiket i no givim ol spes olsem bihain taim bilong ol em orait.

"Taim yu greduet, yu go antap wanpela step, nupela pasin, nupela tingting na kamap poroman o meri long ol salens long wol.

Em i givim yu wanpela kain tingting olsem yu mas kamap strong na mekim wok bilong yu yet," em i tok.

Long wankain taim tu, em i givim K200,000 i go long skul long stretim sampela ol klasrum na haus slip bilong ol tisa we i nogut, long wanem, long dispela baset, ol ino bin kisim sampela luksave.

Wantok street agents!
Salim moa pepa na win olgeta wik!!
 Sapos yu salim,
 50 - 80 kopi - 1x Wantok T-slot
 80 - 100 kopis - 1x Wantok Kap
 101 - 150 - Wantok Ambrella
 151 - 200 - Wantok Polo Slot
 201 plus - Wantok Polo Slot na Cap
 Dispela promoter bai stap long Distrik i go long Novemba 2013 tasol.

Sekyuriti kamapim hevi long Manus...


Ronnie Knight, memba bilong Manus long Palaman i askim Praim Minista Peter O'Neill long tambuim ol sekuriti opisa long dispela asailam senta long dring na spak nabaut.

Mista Knight i tok, dispela wari i wanpela tasol long planti wari pipel bilong em i wok long bungim long dispela asailam ditensan senta.

Narapela wari bilong ol em pasin ol Australia bisnis kampani i mekim wok bilong sanapim ol haus i wok long kisim ol masin bilong ol yet i kam long Australia.

Dispela pasin i bin mekim Praim Minista Peter O'Neill i kros.

Mista Knight i tok olsem Praim Minista i wari bikos em i no klia long astingting bilong ol dispela kampani bilong Australia i no laik wok bung wantaim ol pipel bilong Manus long sanapim ol haus long dispela senta. - ABC



ASAILAM SIKA:
Haus bilong ol asailam sika long Lombrum, Lorengau long Manus. Wanpela asailam sika i sanap ausait long rum bilong em.
Poto: ABC

O'Neil strongim kempen bilong Duban

PRAIM Minista, Peter O'Neill i tokim ol lain kenidet bilong hailans husat i sanap resis long Madang Open bai ileksen long soim rispek long ol asples Madang na larim ol i sanap na lukautim na ranim provins bilong ol.

Praim Minista i bin stap long Madang las wik long kempen bilong Nixon Philip Duban, husat i sanap aninit long politikal pati bilong praime minista em Pipels Nesenel Kongres (PNC).

Mista O'Neill i bin go wantaim tripela gavman minista na Gavana bilong Enga, Peter Ipatas long givim sapot long Mista Duban

Praim minista i tokim moa long 3,000 manmeri na ol singsing grup na ol ben grup long Bates oval namel long Madang taun olsem Nixon Duban i gat spes long gavman bilong em olsem na wok bilong Polis Minista em i lukautim tasol i stap. Taim Duban i win na go bek em wok bilong em i stap pinis.

Dispela Madang bai ileksen i gat 18 kenidet i resis long en. Madang Open bai ileksen i bin kamap bihain long kenidet husat i kamap namba tu, Bryan Kramer i bringim ileksen petitisen long kot na i win na kot i mas gat bai ileksen.

Ramu Projek papagraun askim long O'Neill

RAMU Nikel Projek rivi bilong memorandum ov agrimen (MOA) em ol i laik sainim long Fraide long Madang bai i no inap kamap bikos Praim Minista, Peter O'Neill i no inap stap.

Ripot long Madang i tok Mista O'Neill i gat arapela wok na i no inap stap long dispela bikipela bung.

Tasol siaman bilong Kurumbukari Lenona Asosesen, Mathew Dengua i salim askim i go long Mista O'Neill long givim taim bipo long Krismas na bung wantaim ol papagraun long sainim dispela agrimen.

Mista Dengua, husat i makim tripela arapela LOA bilong Maigari (Inlen Paipain) Kostal Paipain na Basamuk LOA i tok Ramu Projek em namba wan bikipela nikel/kobalt main long PNG, na tu, em i bikipela invesmen tru bilong Saina long Pasifik rijon olsem na em i laik praime minista i mas kam.

Em i tok tenkyu i go long Madang provinsal gavman, Mineral Risoses Developmen Atoriti na Mineral Risoses Developmen Kampani na Ramu NiCo Menesmen (MCC) na ol arapela long taim ol i givim long rivi.

"Mipela i wok hat tru na i redi long sainim dispela MOA, olsem na mipela laik lukim stret dispela i kamap," Mista Dengua i tok.

Em i makim maus bilong ol arapela siaman long tok tenkyu long nesenel memba bilong Madang olsem Gavana Jim Kas.

Em i askim ol tu long stap long taim bilong sainim MOA rivi.

Namba wan MOA bilong Ramu Projek em ol i bin sainim long yia 2000 na wok bilong projek i bin kamap long Disemba 6, 2012.

Prodaksen nau i go het na lukluk long pesen nemplet na 80 pesen prodaksen long neks yia na ful prodaksen long 2015.

Kids Savings Account



6013 0123 4567 8910



A great way to help your kids save!

- ✓ Tiered interest plan
- ✓ No account maintenance fee
- ✓ Free deposits
- ✓ Withdrawal restrictions to help you reach your goals

OPEN A KIDS SAVINGS ACCOUNT TODAY AND RECEIVE A FREE BSP PIGGY BANK *WHILE STOCK LAST!

FREE PIG



☎ 320 1212 / 7030 1212
 ✉ servicebsp@bsp.com.pg
 🌐 www.bsp.com.pg | f t

BSP
 Official Sponsor of the 2015 Pacific Games



Moa Mani go long distrik na provins

Kolopu Waima i raitim

Baset gavman i mekim bilong kantri long 2014 bai lukim moa mani i go daun long ol provins, distrik na lokal level gavman long givim sevis long ol liklik manmeri.

Long 2014 baset, K1.5 bilian i go stret long ol provins, distrik, na lokal level gavman. Wan wan distrik bai kisim K10 milien bilong distrik sevis impruvmen program



(K890 milian long wanpela yia),

ol provins bai kisim K5 milien (K445 milian long wanpela yia) na ol lokal level gavman bai kisim K500 000 (K157.0 milien kina long wanpela yia).

Ol dispela mani bai go long ol prieriti area we ii stap insat long provisal na faiv yia distrik divlopmen plan.

Gavman ii putim tinting long apim baset bilong ol medium tem developmen plan we infrastrak-

saseketa iii kisim moa long K2 723.3 milian.

Helt sekta ii kisim K1, 382.3 milien, lo na oda i kisim K1, 296 milien, ol lokal level gavman mesjistrer tu, edministresen kisim K3, 747.7 milian, ol provinsi kisim K3638.4 milien, sosol seketa kisim K227.1 milian na edukesen dipatmen kisim K1, 501.7 milian.

Ikonomik na egrikalsa kisim K777.9milian.

Long promotim turis na ikonomik divelopmen, Pot Mosbi ples balus apgranding i kisim K30 milien, Kokopo ples balus k15 milien na Nu Ailan K10 milien.

Gavman bai i go het yet long mekim wok long ol ki edukesenal ensitisunel regulariti rifom long ol eria bilong gavanens na pablik fainens menesmen na tu long nesenal rifom program bilong sapotim ol priavet seketa long 2014.

Helt seketa i kisim K1.4 bilien

Kolopu Waima i raitim

Tresera Don Polye i tok mani bilong helt seketa bai i go long stretim na kamapim moa wok bilong 16 haus sik insait long kantri. Angau Memorial haus sik long Lae bai kisim K65.2 milien (wantaim K45.2 milien bai kam long Australian Gavman), Enga haus sik bai kisim K50 milien na K30 milien i go long Pot Mosbi Jeneral haus sik.

Ol provinsal haus sik olsem Boram, Daru, Kerema, Kundiawa, Manus, Mendi, Modilon, Mt Hagen, Nonga, Popodetta na Vanimo bai skelim K114 milien.

Gavman i putim K8 milien long ki-rampim na stretim provinsal haus sik bilong Hela na Sentral provins

Polye i tok Helt ministra Michael Malabag i bin tok olsem Kudjip haus sik em i provinsal haus sik bilong Jiwaka provins na mani bilong ol i go pinis.



Minista bilong Tresari, Don Polye (namel) wantaim Charles Abel na James Marape i karim baset 2014 i go long tokaut long Palamen.

Poto: Nicky Bernard

Edukesen i kisim K1.5 bilien

Kolopu Waima i raitim

Edukesen dipatmen i kisim K1, 082milien, dispela siom strongpela komitmen bilong gavman long edukesen.

Tresera Don Polye i tok gavman ki eria em long skul fi fri edukesen polisi we ol elementeri skul igo pinis long nesenal haikul. Em bai kostim K605 milien wantaim moa long K43 milian istap long trus.

Mista Polye i tok moa long 18 000 sumatin insat long Papua Niugini bai kisim helpim long dispela polisi. Dipatmen ov edujkesen bai givim flexible open na distens edukesen, skul we save givim seken sans long gret 8 na 10 husat i no kompletim stadi long apgrandim mak bilong ol, spesol edukesen na ol narapela teseri na vokesnol skuls.

Gavman i putim mani mak long K23 milian long mekim karikulum di-

vlopmen material. Dispela mani tu bai i karamapim developmen bilong teks na resos buk bilong ol tisa long elementeri na praimer skuls bai usim. Gret 8, 10 na 12 eksiminesen long 2014i kisim K11 milien.

Gavman tu iputimK414.4 milien long stretim haia edukesen institusen insait long PNG. Ol liklik seketa wantaim K210.7 milien bilong opis ov haia edukesen. Narapela K192 milien bilong taget infrastraksa na ol projek long ol narapela yunivisiti wantaim K15 milian bilong lo skul bilong yunivesiti ov Papua Niuginina K5 milien bilong open kempas yunivesiti.

O'Neill-Dion gavman i laik kamapim kwaliti edukesen long PNG long haia edukesen statim long ol bikpela skul i go long ol ausat skul namel long akreditesen long kos ol i givim long yunivesiti.

Baset Alokese

- Helt-K1382.3 milien
- Edukesen-K1051.7m
- Infrastraksa-K27 23.3m
- Ikonomi na egrikalsa-K777.9m
- Lo na oda-K1296.0m

CPL Sponsa Feson Wik

PASIFIK feson wik i gat bikpela ples insait long intanesenal feson industri olsem na ol feson disaina long rijon i mas luksave long stail bilong kalsa bilong ol yet na kamapim ol nupela kain ikonomik bisnis long pasin tumbuna bilong ol yet.

Siaman bilong CPL Grup, Mahesh Patel, i tok feson olsem wanpela stua bisnis em i bikpela samting long ikonomi. Em i mekim dispela toktok long taim em i lonsim wanpela patnasip long kamapim Pot Mosbi Feson Wik bai kamap long Trinde 27 Novemba.

"Mi save olsem, feson wik

long Pasifik em save kamap gut stret bilong wanem i gat gutpela wok bung i save kamap namel long ol bisnis lain husat i save luksave long mani mak bilong ol kain kain ikonomi na i givim sapot long ol samting bilong salim," Mista Patel i tok.

"Feson wik limited i laik soim ol stail bilong Pasifik na ol i gat nem long promotim ol klos ol i wokim long as ples yet. Mipela save olsem dispela kain stail bai i kamap tu long PNG," Mista Patel i tok.

Dispela so bai kamap insait long nupela Kosmopolitan Klap long Visen Siti long Waigani.

Bulolo i ples bilong pait

BUSTIN ANZU i raitim

MORobe Provinsal Gavman i wokim wanpela spesel miting long wiken long tokaut olsem Bulolo taun em ples bilong pait.

Morobe Eksekutiv Kaunsil (PEC) o Sam Sawe i mekim olsem bihain long 9-pela man bilong Watut na Bubu i dai long wanpela pait las wik.

Gavana bilong Morobe Kasiga Kelly Naru i tokim ol manmeri bilong Bulolo las wik Sarere olsem Bulolo taun em stap olsem wanpela ples bilong pait long tripela mun na i tambu long salim bia.

Dispela pait namel long ol lain Watut na Garaina/Bubu i no kamap nau tasol. Dispela pait i bin kamap wanpela taim pinis namel long dispela yia na i kamap gen las wik.

Long pait bilong las wik, ol lain bilong Watut na Aseki i bung na laik rausim ol Garaina na Bubu long Bulolo maket. Ol Garaina/Bubu i bung na pait na 9-pela man dai long tupela sait.

Polis Komisina Tom Kulunga i salim 4-pela Mobail Skwat i go was long dispela trabel ples.

Wanpela skwat bilong Moun Hagen na narapela bilong Goroka bai i go helpim tupela Mobail Skwat bilong Morobe, 13 na 15 na bai stap long Bulolo, inap olgeta samting i stret gen.

Distrik edministreta bilong Bulolo, Tae Guambalek i tok dispela wok bilong lo na oda bai kostim planti mani long lukautim ol polisman husat bai mekim dispela wok.

Ol stil lain i salim paspot

I kam long ABC

OL pipel smagla o lain i save hait na salim ol pipel i go long narapela kantri i wok long salim paspot na visa bilong Australia long ol asailam sika long kam long Australia long balus.

Wanpela wok painimaut bilong ABC Four Corners program i soim olsem ol pipel smagla i save salim ol paspot na visa bilong Australia we i save kostim inap long \$16,000 long ol asailam sika i kam long Australia.

Ol dispela paspot na visa i save larim ol asailam sika i kam long Australia long balus na i no long ol bot.

Long sampela miting long Kuala Lumpur, Malaysia las wik, ol i kisim piksa hait long wanpela man bilong Irak ol i kolim Abu Tarek taim em i gohet long traime long salim ol pepa long sampela pipel bilong kam long Australia.

Mista Tarek i tokim ol kastoma olsem em i gat ol visa bilong Australia, olgeta samting longen i stret, na paspot tru wantaim visa.

Mista Tarek i tokim ol olsem ol pepa ya i kam long embasi na ol i save go long balus long nem bilong ol yet.

Taim ol i askim dispela man bilong Irak husat i gat 36 krismas na nem tru bilongen i Hakim Salga, sapos sampela i yusim pinis ol dispela blakmaket pepa, em i tok yes.

Planti i go pinis long Australia na Nu Silan wantaim ol paspot bilong Bahrain na Oman.

Ol investigesen i soim olsem ol i save makim ol asailam sika bilong Lebanon long hap we i klostu long boda wantaim Syria.

Ol pipel long dispela hap i tok em i tru olsem moa long 200 people long Kabeit i bin baim ol long alim ol i kam long balus na long bot. Four Corners i painimaut tu olsem man bilong Irak Abu Saleh, husat i stap long kalabus long wanem em libin kilim dai wanpela man long wanpela nait klap long Jakarta, em i hap long dispela lain pipel smagla.

Hussain Hamid Aboudi, i ranim pipel smagla operesen insait long kalabus wantaim helpim bilong sampela woda.

Em i bin ogenaisim wanpela bot i bin kapsait long solwara klostu long Java long mun na kilim dai 44 pipel wantaim 18 pikinini.

CPB ken givim hevi long kakao fama

James G. Kila i raitim

KAKAO pod bora (CPB) i ken daunim prodaksen bilong kakao long PNG na givim hevi long ol smolholda fama long ples long kisim mani na helpim sindaun bilong ol long ples na hauslain.

Dispela em strongpela toktok i bin kamap long wanpela trening ov treinas (TOT) kos i bin kamap long ol ples long Drekikir we ol kakao fama bilong Drekikir na Gawanga long Ambunti Drekikir distrik i bin stap long en.

Dispela kos em ol wokman bilong PNG Kakao Kokonas Institiut (PNGCCI) bilong Madang i bin go na ronim kamapim wantaim fainensal sapat i kam long Ambunti-Drekikir join distrik plening na baset praioriti komiti (JDPBPC).

Provinsal program menesa, Vincent Saleh i tok dispela namba wan trening i kamapim moa intres namel long ol rural



Kakao pod bora (CPB) i bagarapim kakao.

kakao fama bilong Gawanga na Drekikir, husat i stap longwe tru long taun tasol bikpela rot bilong ol long kisim mani em long kakao tasol.

Mista Saleh i tok ol wokman bilong PNGCCI long Steward Risets senta long Murunas long Madang i bin go long Drekikir long givim trening. Namba wan i bin kamap long Oktoba 9 i go 13, na namba tu


hap bilong en i bin kamap long Novemba 4 i go inap 7.

Mista Saleh i tok ol trening ya i bin kamap long tupela hap we i lukim ol fama i harim toktok na skul long klasrum na arapela hap i lukim ol i go long gaden na mekim ol praktikel trening.

Em i tok olsem bihain long namba tu hap bilong trening, ol fama i bin kisim setifiket na

ol tul olsem pol-pruning, sekates, bo-so na supon so long wok long kakao gaden bilong ol.

Ol famas i autim bel-wari bilong ol tu olsem ol i laikim Is Sepik provinsal gavman long putim mani long sapotim wok bilong agrikalsa na kakao na bringim ol sid na kuru kakao we i gat banis long abrusim CPB.



Ol risets o wok painimaut, i soim olsem sapos ol meri i gat rot bilong kamapim mani, bai olgeta lain insait long komyuniti i tu i painim gutpela sindaun. ExxonMobil Foundation (ogenaisesen bilong mipela long Yunaitet Stets husat i save helpim ol lain i sot long samting) na UN Foundation i no longtaim i go pinis, i bin bung wantaim na kamapim wanpela rot mep o bikpela program, bilong promotim ol pasin bilong strongim wok bilong ol meri long olgeta kantri long wol. Dispela program i luksave long ol rot i soim o inap kamapim moa wok na mani long ol kain kain grup bilong ol meri long ol kantri.

Dispela ripot ol i kolim *A Roadmap for Promoting Women's Economic Empowerment* (<http://www.womeneconroadmap.org>), i karamapim ol kain kain het tok olsem rot bilong promotim pasin bilong yusim seavings akaun olsem sid mani, i go inap long we yu ken painim ples bilong lukautim pikinini. Dispela ripot i karamapim pasin bilong ranim ol program bilong givim moa save long ol rot ol meri i ken kamapim mani em ol kopret grup i ken bihainim, ol NGO na ol gavman tu.

I tru olsem dispela ripot i karamapim olgeta kantri long wol, tasol em i soim tu rot mipela i bihainim hia long Papua Niugini wantaim ol program bilong meri mipela i kirapim na i wok long sapotim.

Mi yet i lukim pawa bilong givim sans long ol meri long kamapim samting - na olsem wanem em i helpim sindaun bilong ol komyuniti tu.

Wanpela eksampel, dispela kaikai na egrikalsa program, mi bin toktok long dispela program long dispela kolum sampela taim i go pinis. Dispela program i kamap gut na i givim sans long ol meri long Projek eria long kisim skul long pasin bilong kukim na salim ol kain samting olsem ol skon na kek na kamapim mani.

Long 2010 i kam inap nau, Projek i givim 115 dram aven i go long ol wimems grup na i givim trening kos long 26 ples we i lukautim 113 strongpela wimems grup. Ol dispela trening i karamapim pasin bilong kukim kaikai, nutrisen na pasin bilong lukautim na klinim haus na ples. I kam inap nau, moa long 650 meri - na sampela man tu husat i lusim pasin bilong bipo, i greduet long dispela program.

Mipela i skruim dispela program i go nau long kamapim "trening bilong ol trenas" kos, we moa meri long ol arapela hap tu bai inap kisim skul long pasin bilong groim ol kaikai, klinpela rot bilong stretim kaikai, na ol rot bilong salim kaikai na kisim mani, na tu, painim rot bilong lukautim dispela program i go het moa long planti yia bihain.

Mipela i amamas tu long sapotim 17 meri i go stap insait long Global Women in Management (GWIM) program woksop long Wasington, DC na Jakata long Indonesia. Dispela program, em i hap bilong ExxonMobil Women's Economic Opportunity Initiative, i save givim trening na stia skul long ol meri bilong ol kantri i develop yet olsem Papua Niugini, long pasin bilong kamapim bisnis na arapela wok long komyuniti developmen.

Mipela i wok bung wantaim ol arapela ogenaisesen long PNG long strongim save bilong ol meri. Wanpela eksampel, mipela i bung wantaim World Bank na Chamber of Mines and Petroleum na mipela givim bisnis trening long 130 meri long LNG Plant na 30 meri long Angore. Mipela i skruim trening i go long ol arapela hap olsem Kikori, Kutubu na Komo. Long Pot Mosbi mipela i givim han long helpim ol arapela ogenaisesen olsem Coalition for Change na Business and Professional Women's Club long sapotim program bilong ol.

Mipela yet i gat planti ol savemeri na ol meri husat i wok strong long olgeta eria bilong Projek - na ol i mekim bikpela senis i kamap. Dispela i karamapim ol Papua Niugini meri i wok long Len na Komyuniti Afeas tim, ol meri long Operesens na Mentenens Treni, ol meri ensinia - dispela em ol meri lida husat i wok long kisim moa save na eksperiens long Projek.

Dispela em sampela eksampel na stori i strongim bilip ExxonMobil i gat long sapotim ol program bilong ol meri. Long wol, mipela i putim moa long \$60 bilien long eitpela yia inap nau, long sapotim ol meri long strongim ol rot bilong kamapim mani.

Mi laik harim tingting bilong yupela na wanem ol arapela samting yupela i laik ritim long dispela kolum. Bai mipela i traime long bekim ol askim, olsem na plis salim email i kam long pnglngproject@exxonmobil.com o lukim mipela long www.pnglng.com.

Gutpela de!

Madang bai ileksen bai kamap long Novemba 23

OL i surukim taim bilong vot long Madang Open bai ileksen i go long Sarere Novemba 23.

Taim bilong vot inap long kamap long Fraide, Novemba 15, tasol ol lain manmeri husat i wok long ileksen long 2012 i kros na pasim dua bilong ileksen opis.

Madang Open bai-ileksen ritening opisa, Adolf Duanga i tokaut olsem opis bilong Ilektoral Komisni i op gen, tasol ol opisa i mas stretim samting pastaim.

Mista Duanga i tok ol wokman nau i gat rot long go long ples we ol ileksen pepa na ol samting bilong wok i stap long en.

Em i tok ol manmeri husat i givim sevis long ileksen 2012 i bin kros na lokim dua na I no larim ol wokman bilong PNG Ilektoral Komisni I go wok

inap 14 de olgeta.

Mista Duanga i tok ol manmeri long Madang taun bai givim vot long Novemba 25 long wanpela de tasol. Poling bilong Trans-Gogol na Ambenob LLG bai stat long Sarere Novemba 23.

Em i tok taim bilong givim vot long Madang Open bai kamap long Mande, Novemba 25 bikos em i laik givim taim long ol lotu lain bilong Seven De Adventis (SDA) long givim vot bilong ol tu.

Em i tokaut tu olsem long dispela wik trening bilong ol lain polising na kaunting opisal bai kamap. Olsem na em i askim ol lain husat i givim nem long mekim dispela wok long putim yau tasol long Redio Madang long kisim moa to ksave.

Ples bilong trening em long Jomba

YC bilong Ambenob na Madang taun.

Mista Duanga i tok trening bilong ol Trans-Gogol poling opisal bai kamap long Ara gavman stesin.

Madang Ileksen Menesa, Cyril Retaw i tok wok redi bilong Madang Open bai ileksen i orait tasol nau na em i laik ol opisal i yusim gut mani we gavman i givim long mekim dispela wok.

Mista Retaw i tok long dispela K2.4 milien gavman i givim long dispela wok, ol I putim K800,000 long mekim wok pinis.

Tasol em i tok trening i no kamap yet bikos ol i long mani i kam long Mosbi long karimaut dispela wok.

Em i tok em i bilip ileksen long Madang bai kamap fri, seif na stret long ol pipel bilong distrik.

Ol Ritel Outlet lain!
Salim moa pepa na win olgeta wik!!

Sapos yu salim,

Sapos yu salim olgeta Wantok Niuspepa insait long stua o outlet bilong yu, bai yu gat sans long winim ol dispela promosen klos bilong Wantok Niuspepa!

Dispela promosen bai stap long Oktoba i go long Desemba 2013 tasol.

PNG Kopitiam long helpim ol Filipin

PNG Kopitiam em wanpela nupela restaren i kam long dispela yia tasol na em gro hariap tu. Long dispela Sarere na Sande em bai kukim ol kaikai na ol manmeri baim, dispela mani bai go stret long helpim ol pipel long Filipin husat i kisim bagarap long taifun Haiyan.

Kopitiam i kamapim dispela fan-raising wantaim helpim bilong Nwth long helpim ol manmeri bilong Filipin husat i stap insait long Papua Niugini long helpim ol wantok bilong ol.

Ol manmeri o famili go na baim kaikai ol laikim long dispela tupela

de, dispela mani bai no gat risit bilong em, long wanem em bai go stret long donesen bokis.

Sapos yu painim kaikai go long Kopitiam long wanem dispela mani yu bai kaikai long en bai go long gutpela wok helpim.

Dolly

Em bai mekim yu laikim sampela moa!

PROUDLY PNG MADE

RD TUNA CANNERS LTD.

Woitape LLG presiden i laikim senis

Aksie Akibiang i raitim

GOILALA Distrik long Sentral Provins i mas senis na kamap olsem ol narapela distrik insait long kantri.

Nupela presiden bilong Woitape local level gavman (LLG), Joe Geru i mekim dispela toktok long las wik.

Em i tok em i sapotim memba bilong Goilala,

Daniel Mona, long lonsim faiv yia plen bilong Goilala distrik we bai bringim ol developmen i kam insait long wan wan LLG na ples.

Mista Geru i singautim tu narapela tupela presiden bilong Goari na Tapini long wok bung wantaim na sapotim memba long bringim sevis i go long Goilala.

"Taim mi stap presiden bilong Woitape LLG mi laik

lukim planti ol infrastraksa wok i mas kamap. Namba wan long em Mona Haiwe long Pot Mosbi i go long Tapini na ol narapela distrik.

Wok bung wantaim gavman olsem Nesenel Epot Kopresen na Sivil Eviesen Atoriti long kirapim na developim ol liklik ples balus olsem Fane, Ononge, Yongai, Kosipe na Woitape. Ol dispela rot na ol ples balus bai kisim ol sevis

olsem long edukesen, helt na ol narapela bisnis long kirapim distrik," Mista Geru i tok.

Em i tok papa bilong em i bikman bilong Woitape. Em yet i wanpela bilong liklik namba bilong Goilala husat i pinisim skul long kompyuta stadi na i bin wok long 1994 i go 2011 olsem Senia Jeloljikal Teknisen long Tolukuma Gol Main na bi-

hain long Harmony Gold Exploration long Mt. Hagen long tupela (2) yia.

"Dispela yia 2013 i makim stret 100 yia taim namba wan waitman i bin kam long Goilala long mun Februeri yia 1913. Ol dispela waitman em ol Katolik Sios pater. "Bihain long 100 yia na mipela Goilala I stap olsem bipo yet na no gat developmen. "Mipela i gat

planti risos olsem gol, kopi na ol kain kain kaikai, tasol mipela i no gat rot long kisim ol i kam long ol maket long Pot Mosbi," Mista Geru tok.

"Mi laik bai olgeta Goilala i senisim pasin na sapotim ol LLG presiden na memba bilong Goilala, Daniel Mona, na wok wantaim na bringim sampela senis long ol ples bilong yumi," Mista Geru i tok.



PNG Dokta wokim namba wan skru operesen

Frieda Sila Kana i raitim

DOKTA Noah Tapaua, i kamap namba wan PNG dokta long operetim na stretim skru bilong wanpela sikman long namba wan taim long Pot Mosbi Jeneral Haus Sik las wik.

Dokta Noah em i wanpela i studen felo bilong Kardiotesik Sejeri (Fellow Cardiothoracic Surgery), long Nesenel Senta bilong Lewa long Singapo. Em i bin kam long PNG wantaim ol SingHelt Ke Sevis Grup long wokim ol operesen long lewa. Ol Operesen Opim Hat grup bilong PNG i bin baim trening kos bilong Dokta Noah long skul long

Singapo.

Aninit long menesmen bilong nupela Sif Eksekutiv Opisa, Grant Muddle na Dairekta bilong Medikal Sevis, Dokta David Mokela, Kadiak na Otopidik seksen (Cardiac and Orthopedic) i kisim gutpela sapot. Menesmen bilong haus sik i lukluk long SingHelt long givim trening and kamapim moa save bilong ol dokta na nes na ol arapela Alaid Helt wok lain, long ol spesel wok bilong ol yet.

SingHelt em i bikpela Pablik Helt Ke Grup long Singapo. Ol i gat tupela haus sik, wanpela em Singapo Jeneral Haus Sik na narapela em KK Meri na Pikinini Haus Sik. Ol i gat 5-pela

haus sik bilong ol kain kain sik i gat nem. Dispela grup nau i kam em long hat (Cardiac) na long bun (Orthopedic). SingHelt Ke Sevis i gat plen long kisim tupela moa dokta long go trening long Singapo long stretim ol bun.

Ol bikpela lain tasol i bin kisim operesen long lewa, na i no gat ol pikinini. Ol i bin operet long 7-pela sik lain. Wan wan operesen i bin stap olsem 3 o 4 aua. Grup lida bilong ol dispela lain dokta, Profesa Chua Yeow Leng, i tok ol i stretim tasol arere bilong maus bilong lewa olsem na ol sikman bai i no nidim marasin bilong blut bilong wanem ol i gat lewa bilong ol yet tasol wantaim CG Future Band 63B.



Dokta Noah Tapaua wantaim narapela dokta i wok long stretim lewa bilong wanpela sik meri. Poto: Nicky Bernard

Strongim Wok akaunten

MOA long 2000 manmeri akaunten i bin stap insait long tupela de semina bilong ol long lainim na strong wok bilong ol.

Dispela semina o wok-sop bin kamap long Gateway Hotel long Pot Mosbi na i bin pulim ol akaunten long olgeta hap insait long kantri.

Ol ges spika husat bin toktok long dispela semina

i bin givim ol gutpela toktok long strongim ol wok bilong ol akaunten.

Faines ministra James Marape bin opim dispela semina na em i bin givim strongpela toktok long ol akaunten manmeri long stap long ples bilong wok long moning na pinis long taim stret.

Em tok wok bilong ol akaunten em bikpela tru na

taim em i bikpela samting long tingting bilong ol long go stap long opis.

Narapela ges spika kam long Fiji tu bin givim gutpela toktok long lo na rot bilong lukautim mani na sainim ol pepa nating nating.

Photo na Stori Nicky Bernard

PAINIM OL STRINGA O FRILENS RAITA LONG OL PROVINS

Wantok Niuspepa i painim ol stringa/frilens raita o lain i ken raitim ol nius stori long Tok Pisin na salim i kam long mipela long putim long pepa bilong yumi ol PNG stret.

Mipela i laikim ol stringa long Hailans rijon olsem Sauten Hailans na ol provins olsem Simbu, Enga, Jiwaka, Hela na Westen Hailans Provins. Long Momase rijon na ol provins olsem Is na Wes Sepik, Lae na Madang na long ol Niugini Ailans provins olsem Is Nu Briten, Wes Nu Briten, Manus, Nu Ailan na Otonomes Rijen bilong Bogenvil. Mipela i gat inap stringa long Mosbi na olsem Sapos yu wanpela skul tisa, wok manmeri long gavman, praivet sekta na sios, o yu wanpela manmeri i gat save na laik long rait na yu laik promotim provins na ples bilong yu, salim pas long intres bilong yu, o salim email o ring i kam na toktok long Ekting Edita. Ol kontek edres na telepon namba em: The Acting Editor, Wantok Niuspepa, C/- Word Publishing Company, P O Box 1982, Boroko, NCD. O email: editorial @ wantok.com.pg o ring long telepon namba 3252500 o feks 3252579.

FARM TRACTORS



120hp

90hp

70hp

50hp

40hp



- Slashers
- Disc Ploughs
- Disc Harrows
- Post Hole Augers
- Trailers

AGMARK
MACHINERY

PORT MORESBY: 323 2658 | Digicel: 7215 0333 / 7217 9815
LAE: 472 6324 KOKOPO: 982 8748 | email: machinery@agmark.com.pg

Ol Yut i redi long Wol AIDS De

Ol memba bilong Nesenel Asosiesen bilong Yut na Adolesens (NAYAH), long Mosbi bai holim wanpela wakaton bilong luksave long Wol AIDS de long 1 Desember. Bai ol i stat wok-about long Jack Pidik pak long 5-Mail na i go pinis long Nesenel Laibreri long Waigani.

Ol i save kolim ol yangpela manmeri na pikinini tinesa, adolesens na yang adalt.

Sore olsem, planti yangpela i save gat kain kain hevi olsem HIV, pait na bagarap long famili, yangpela meri kisim bel nating, pasin bilong kisim drag na pasin bilong brukim lo.

Tasol ol i gat moa strong na amamas long mekim wok developmen bilong kantri. NAYAH em i wanpela grup bilong ol yang-

pela husat i wok long traime long helpim ol wanlain bilong ol long senisim tingting na pasin na long lukautim helt bilong ol.

Kodineta bilong NAYAH, Samuel Maila i tok ol i wok long painim ol sponsa nau. Ol i singaut long pablik olsem sapos yu gat sampela klos, mani o narapela samting, yu ken bringim long ol na ol bai givim long ol pren bilong ol husat i gat HIV na AIDS. Ol i laik tu long givim sampela liklik kaikai long ol lain i kam wok-about wantaim ol.

Dispela de bai wanpela de bilong amamas wantaim ol yangpela. Bai i gat wantaim sampela narapela ektiviti tu long dispela de. Bai yu lainim planti samting long ol dispela yangpela lain taim yu bung wantaim ol. Ol bai holim ol toktok na pilai in-



Presiden bilong NAYAH Joanna Oala. Poto: Nicky Bernard

sait long Amerika Kona bilong Nesenel Laibreri.

NAYAH i kamapim wanpela hap we ol yangpela i ken go na askim ol kwesten ol i sem long askim ol papamama na ol

narapela lain. Planti yangpela i save pret long autim tingting bilong ol long wanem sampela papamama i no laik toktok bilong yangpela i redi long marit o painim patna bi-

long bihain taim.

Ol i lukim olsem toktok bilong man meri i slip wantaim long kamapim pikinini i olsem dua bilong ol narapela bikpela samting i save pasim rot bilong developmen olsem HIV na AIDS.

Wok bilong NAYAH em long skulim ol yanpela lain wantaim save bilong wok long helpim sosaiti we ol yet bai i stap helti, wantaim rispek na go pas long ol gutpela komyuniti wok.

Dispela lain i save skulim ol yanpela long lukautim ol yet long pasin bilong slip wantaim man o meri long taim ol i no marit yet. Ol i lainim ol tu long luksave long lidasip wok bilong ol long kamapim gutpela sindaun long bihain na long bosim kantri wantaim ol dispela gutpela save ol i kisim.

UNICEF luksave long de bilong ol pikinini

LONG Sarere Novemba 16, World Vision PNG i bin bungim olgeta lain husat i save wok wantaim ol pininini long wanpela pilai na ama-

mas de bilong ol pikinini long Ela Bis, Pot Mosbi.

Bikpela tingting bilong dispela yia bilong Intanesenel De bilong ol

Pikinini em: 'Pasin bilong tumbuna, bilip na lotu i no ken kamapim birra long ol pikinini bilong yumi.' Na dispela de em i go pas long de tru

em long 20 Novemba.

Hetman bilong UNICEF long PNG, Baba Danbappa i tok amamas long olgeta pikinini na ol planti ol mama na papa na ol sponsa na dona husat i bung long Ela Bis.

"Yumi holim han wantaim planti milien pipel long wol husat i laik pinisim pasin bilong paitim na bagarapim ol pikinini long wol," Mista Danbappa.

"Papua Niugini i gat 7 milien pipel na hap bilong dispela namba em ol pikinini. Ol dispela pikinini bai holim kantri long bihain na yumi ol komyuniti na famili i mas amamas long ol. Yumi mas laikim na lukautim gut ol pikinini bilong yumi na haitim ol long kain kain hevi na bagarap long han bilong ol narapela man," Em i tok.

Planti pikinini i wok long gro wantaim pasin bilong paitim pikinini, tok nogut na bagarapim ol long pasin pamuk insait long haus na hap bilong ol yet.

"Ol pikinini i save kisim bagarap long han bilong ol lain husat i lukautim ol. Olsem na ol i save wari na karim hevi long bel bilong ol na em i ken i stap longpela taim i go inap ol i kamap bikpela na em i save go long ol pikinini na tumbuna bilong ol," Mista Danbappa i tok.

Ol lo i senis nau na palamen i tok orait long lo bilong lukautim ol pikinini. Ol sevis sapot bilong ol pikinini husat i bin kisim hevi bilong vailens i stap long ol Famili Sapot Senta, Polis Sek-suel Vailens Yunit na long kot bilong ol pikinini.

"Mi laik singaut long ol papamama long stap sambai olgeta taim long luksave long trabel long ol pikinini. Ol pasin bilong bagarapim ol pikinini i save bagarapim tingting na sindaun na laip bilong ol na em i wok bilong yumi bikpela manmeri long lukautim ol pikinini na mekim ol i amamas olgeta taim," Mista Danbappa i tok.



Yut, Meri na Famili

Pastor Barbara Lunge

Lida i no ken dring bia

OLGETA man na meri em i lida. Papa na mama em lida, bilong wanem ol i save bosim pikinini bilong ol na givim ol tok skul bilong bihainim gutpela pasin.

Yu sumatin long skul, koles o yuni-vesiti, bai kamap lida tu, bilong wanem ol pipel bai lukim yu olsem, wanpela bilong ol liklik namba husat i kisim skul na save long bikpela skul.

Yu bai i ken givim tok skul na makim rot bilong ol pipel i bihainim. Em i wankain long ol bisnis man na meri, ol wokman bilong kampani, gavman na politisen. Yu lida tu insait long wok bilong yu yet.

Long buk Gupela Sindaun sapta 31, lain 2 i go 9, wanpela mama i givim tok skul wantaim Tok bilong God long pikinini man bilong em;

"Pikinini bilong mi, mi yet mi bin karim yu na mi laikim yu tumas. Mi bin askim God na em i givim yu long mi. Yu no ken pilai long ol meri na lusim olgeta strong bilong yu.

Long wanem, ol i save mekim ol king i bagarap. Lemuel, ol king i no ken dring wain na skrap long daunim ol kain bia. Nogut ol i dring na ol i lusim tingting long ol lo na ol i no mekim stretpela pasin long ol rabisman.

Bia na wain, em i samting bilong ol man i laik i dai na bilong ol man i gat bikpela hevi. Sapos ol i laik, ol i ken dring, na ol i no ken tingting moa long ol i stap rabis na ol i gat bikpela hevi.

Yu mas sambai long ol man i no inap tokaut long hevi bilong ol, na yu mas helpim ol long toktok. Na yu mas strong long ol kot i mas mekim stretpela pasin long ol rabisman. Na taim yu yet harim kot, yu mas mekim stretpela pasin. Na yu mas helpim ol tarangu rabisman." (Gutpela Sindaun 31:2-9).

Ol mama i karim pikinini, olsem na ol i gat bikpela wok long helpim ol pikinini bilong yumi, long senisim ol wantaim gutpela toktok. Mama i mas toktok long pikinini taim ol i liklik yet, na bai ol i lainim gutpela pasin long bihain.

Holi Spirit i tok long ol bilipman long sik na hevi ol i ken kisim long pasin bilong dring planti strongpela dring, na long slip nabaut wantaim kain kain meri o man we i ken bagarapim tingting bilong ol lida na ol i no save mekim gut wok bilong ol.

Strongpela dring bai i no inap pinisim hevi bilong yu, nogat, em bai mekim i kamap bikpela moa.

Sapos yu laik toktok moa o yu nidim prea, yu ken rait long; Evangelis Barbara Lunge, ROGIM, P.O. Box 3063. Boroko. NCD. PNG, o ring long 67331426/71075829.

Fact about eggs

- Eggs are naturally high in protein.
- Eggs have less than 2 grams saturated fat.
- Eggs are source of 11 vitamins and Minerals.
- They are a good source of vitamin B12 which may be lacking in vegetarian diets.
- Eggs are a source of Iron.
- Eggs are an ideal food alternative to meat.
- Eggs are very economical and highly nutritious.

100% PROTEIN & CHOLESTEROL FREE

proudly PNG MADE

BAIM PNG MADE NA KAMAPIM MOA WOK

SingHelt stretim ol lain I gat sik long lewa

I GAT 19 dokta bilong stretim sik long hat bilong Singapo Helt Sevis (SingHelt), i bin kam long Mosbi las wik na katim na stretim lewa bilong 6-pela pipel long Pot Mosbi Jeneral Haus sik (PMGH).

Ol dispela lain dokta i kam long Sande 10 Novemba na stat stretim ol masin bilong wok long Mande na long Tunde ol i stat long operetim tupela lain.

Long Trinde ol i operetim wanpela na long Fonde tupela moa. Dispela em ol lain i gat sik long lewa na i no inap kisim helpim long Operesen Open Hat tim.

SingHelt medikel grup i kam wantaim ful tim bilong wok long operesen tieta, tasol ol i no mekim wok ol yet. Nogat. Ol i kam long trenim ol dokta na nes bilong PMGH yet.

Wanpela dokta we ol i bin trenim pinis long Singapo em Dokta Leslie Kawa. Em i go pas long stretim rot bilong ol Singapo dokta na tu ol lain i gat bikpela sik long lewa long kam long ol dispela operesen.

Senia Dairekta bilong Program

Developmen, long Singapo Helt Sevis, Vijaya Sreedhi i tok bikpela tingting bilong SingHelt em long wok wantaim PMGH long kamapim medikel eksens na skulim ol dokta na nes long PNG long wok bilong katim ol lain i gat sik long lewa, (Cardic Surgery team) na ol narapela wok bilong operesen tieta..

Dokta Leslie Kawa em i namba wan PNG man long i kisim ful trening long wok bilong lewa (Cardiology) long Singapo na nau em i stap long PMGH. Ol Singapo Sosaiti bilong Kadiolojjs i helpim em long mekim trening long jeneral kadioloji.

“Mipela hop olsem em i ken go bek long Singapo na kisim sampela moa trening long eko (echo) na intavensen kadiologji (cardiology). Nau long dispela taim em narapela dokta bilong PNG, Noah Tapau i go stap trening long Singapo na em i kam wantaim dispela Kadiek Sejeri (Cardiac Surgery) tim na mipela hop em bai mekim moa kadiek sejeri long PNG.” Mis Vijaya Sreedhi i tok.



Dokta Leslie Kawa wantaim Faye Maune husat i bin kisim operesen long Tunde. Ol dokta i putim wanpela gumi tasol long holim strong lewa bilong em na em bai i no ken dring ol marasin bilong blut moa. *Poto: Nicky Bernard*

Ol helt volantia givim fri sevis



Ai dokta bilong PNG Eye Care sekim ai bilong wanpela man long 6 Mail Klinik long Sarere. *Poto: Nicky Bernard*

Frieda Sila Kana i raitim

NO Road to Health em i wanpela volantia ogenais-esn i save wok wantaim No Road Expedition kampani bilong Australia.

Las wik long Sarere ol bin bung wantaim ol wok lain bilong PNG Eye Care na ol i sekim ai bilong ol lain long 6-Mail setelmen na tu ol narapela lain husat i bin kamap long helt klinik. Dispela volantia grup i kam wantaim ol nes i save mekim kain kain wok long haus sik. Ol i makim 6-Mail Klinik long wok wantaim bilong

wanem No Roads Expedition kampani i gat kompaun bilong ol lain I save karim kago bilong hust I wokabout long Kokoda Trek.

Jo Bergman, meri i go pas long dispela grup i tok, olgeta yia ol wokman meri bilong helt olsem dokta na nes i save kam long PNG long go long Kokoda Trek na givim fri helt sevis long ol ples lain. Em i wanpela program bilong Kokoda Developmen Kopresen na AusAID.

Nau long dispela taim, ol dispela grup bai i stap foapela de long

Kokoda. Ol i bin kamap long Fraide 15 na bai ol i go bek long Fraide 22 Novemba. Mis Bergman i tok, ol i kisim tok orait long wok wantaim 6 Mail Klinik long helpim na lainim ol helt woka bilong klinik.

Wok wantaim PNG Eye Care em i namba tu taim ol i wok wantaim long sekim ain a givim glas. Namba wan taim ol i wok wantaim ol em long mun Epril. Taim ol i go long Kokoda, ol i kisim tu ol lain bilong PNG Eye Care i go wantaim ol long sekim ol ai na givim aiglas long K20 tasol.

Ol i bin go long Kokoda long Sande 17 Novemba na bai ol i mekim sotpela wokabout long Kokoda Trek. Long wankain taim bai ol i mekim helt sekap long foapela ples, Fogi, Kagi, Manari na Naduri. No Road to Health i save kam long Kokoda Trek foapela taim long wanpela yia. Ol pipel long Kokoda Trek i no save kisim kain helt sevis olsem long planti taim.

Dispela em i namba wan taim bai ol i go wantaim PNG Eye Care long sekim ol ai na givim aiglas.

Wokaton bilong Wol Daiabitis De

‘Edukesen na Privensen bilong Daibities’, em i bikpela toktok bilong Wol Daiabitis De long 14 Novemba, 2013.

Daiabitis em i ‘sik suga. Tude planti Papua Niugini manmeri i wok long kisim dispela sik we i gat planti suga tumas long blut.

Wol Daiabitis Asosiesen bilong Papua Niugini i bin kamapim wanpela wokaton long Pot Mosbi long Sarere 16 Novemba long tingim dispela de. Ol i bin bung wantaim ol woklain bilong HOPE worldwide (PNG) Nesenel Helt Dipatmen na NCD Helt Sevis na City Pharmacy Ltd.

Dispela wokaton i bin kirap long Jack Pidik Pak long 5-Mail na i bihainim Boroko Draiv i go olsem long

Bavaroko Praimeri Skul na bihain i go bek gen arere long Bisini Spots Ovol na i go bek long Jack Pidik Pak. Sampela skul tu i bin wokabout wantaim ol.

Taim ol i pinisim wokabout na bihain long ol bikpela toktok bilong Deputi Seketeri bilong Helt na ol narapela patna, ol helt woka bilong NCD i bin sekim blut na mak bilong suga long bodi bilong olgeta lain husat i bin kamap long wokaton.

Long Fonde Novemba 14, ol Hope Wolwide i bin wokim ol fri tes bilong blut na mak bilong suka long Stop N Sop, Badiili. Daiabitis PNG (DAPNG) i laik long kamapim moa toktok long pablik long ol hevi na sik i save kamap long sik daiabitis.



Steven Busin, wokman bilong WHO i sekim blut bilong lukim mak bilong suga long bodi. *Poto: Nicky Bernard*

PNGTA tok klia long pe bilong ol tisa

Kolopu Waima i raitim

OL tisa insait long Papua bai kisim moa pe stat long 2014 bikos long bikipela hatwok ol lain bilong Papua Niugini Tisa Asosiesen (PNGTA), Tisa Sevis Komisen na Dipatmen bilong Pesenel Manesmen i bin mekim. Ol i bin wok inap sevenpela

mun long stretim toktok na putim mak long hamas mani ol tisa bai kisim.

Nesenel jeneral seketeri bilong PNGTA, Ugwalubu Mowana i tok klia long ol nius ripota bihain long ripot bilong Pablik Emplois Asosiesen i askim gavman long apim tu pe bilong ol narapela wok-

man bilong gavman. Mista Mowana i tok gavman i no kirap nogut na tok orait long apim pe bilong ol tisa, nogat.

Em i tok ol i wok inap 7-pela mun olgeta long toktok wantaim Tisa Sevis Komisen na Dipatmen bilong Personel Menesmen long kamapim dispela egrimen.

Mista Ugwalubu i tok gavman tu i luksave long hatwok ol tisa i save mekim long taim i gat planti wok na planti pikinini i stap long wan wan klasrum.

Em i tok ol tisa i save wok planti aua gavman i luksave long ol dispela kain hatwok na i bin luksave na givim tisa sevis alawens. Dispela em i bin sensim straksta bilong

mak bilong pe olgeta tisa stat long Janueri 2014.

Mista Mowana i tok sapos PEA i laik gavman i apim pe bilong ol narapela pablik sevan, orait em i mas mekim wankain wok long bungim ol evidens long sapatim askim bilong en i go long gavman. Em i tok ol i no mas paulim ol pablik.

Sentral makim 13 provinsal edukesen memba

Kolopu Waima i raitim

Sentral Provins i gat 13 provinsal edukesen bod memba. Edukesen edvaisa Titus Romano Hatageni i go pas long ol taim ol i mekim promis long holim dispela wok.

Tasol olgeta bilong ol i no bin kamap. Ol 6-pela memba i no bin stap. Senia loya bilong Sentral Provinsal Gavman, Alex Haboic i bin namba wan witness long taim ol i mekim tok promis na sainim pepa long mekim wok bilong ol.

Mista Haboic i tokim ol olsem bai em i stretim wan wik woksop we em bai givim skul long ol long kisim gutpela save long lo na bai ol i ken mekim gut wok bilong ol.

Em i tok ol i kamap bod memba aninit long Seksen 31 na ol i mas klia long wok bilong ol. Em i givim tu sampela stia toktok long ol.

Em i tok tu olsem Provinsal Edukesen Bod i gat pawa long makim fi bilong wan wan level bilong skul. Tasol ol i mas bihainim polisi bilong gavman long taim ol i mekim wok.

Sekta siaman bilong edukesen, Bona Ineé i tok planti tisa i save les long go wok long ol ples we i no gat gavman sevis i stap. Em i tok long ol kain ples olsem long Sentral provins, gavman i mas givim moa luksave long ol na apim pe o givim ol mani bilong baim transpot na bai ol i amamas long go wok.

Em i tok em i bin wok tisa inap 25 yia olgeta long ol maunten ples long Goilala na bus ples long Abau na Rigo eria na em i klia long bikipela hevi ol tisa i save bungim.

Em i tok, "Long kisim kwaliti edukesen, yumi mas lukautim gut ol tisa."



KONFERMASIO: OL sumatin ya em ol pikinini bilong olKatolik Sios memba PNG Difens Fos soldia long Taurama, Goldie na Mari Bareks i kisim Sakramen bilong Konfermasio long bikipela Misa lotu long las wik Sande. Planti tausien Katolik manmeri na pikinini i bin bung long Mari Bareks pilai graun long selebretim misa long pinisim yia bilong bilip long kalenda bilong sios. *Poto: Veronica Hatutasi*

Ol tisa bai i no inap long stop wok

Kolopu Waima i raitim

Jeneral Seketeri bilong Papua Niugini Tisa Asosiesen, Ugwalubu Mowana i tok ol tisa bai i no inap jonim ol narapela komyuniti grup long stopim baset bilong gavman. Em i mekim dispela toktok long wanpela nius konpres long Mosbi, las wik.

Mista Mowana i tok gavman i givim planti mani long edukesen na i wok long sapatim edukesen olsem na ol tisa bai i no inap long joinim ol arapela grup husat i laik stop wok.

Em i tok Papua Niugini Tisa Asosiesen bai sapatim olgeta samting gavman i mekim long edukesen. Em i tok Asosiesen bai sanap baksait long Dipatmen bilong Edukesen na Tising Sevis Komisen long go het yet long sapatim edukesen insat long kantri.

"Mi askim olgeta tisa husat i memba long Asosisen na ol arapela tisa insat long kantri long mekim wok stret na no ken joinim ol narapela grup long stap wok. Gutpela sindaun long bihaintaim long dispela kantri i stap long han bilong yupela ol tisa. Go skulim ol pikinini bikos ol bai kamap ol lida long bihaintaim," Ugwalubu i tok.

O'Neil strongim kempen bilong Duban

PRAIM Minista, Peter O'Neill i tokim ol lain kenidet bilong hailans husat i sanap resis long Madang Open bai ileksen long soim rispek long ol asples Madang na larim ol i sanap na lukautim na ranim provins bilong ol.

Praim Minista i bin stap long Madang las wik long kempen bi-

long Nixon Philip Duban, husat i sanap aninit long politikal pati bilong praim minista em Pipels Nesenel Kongres (PNC).

Mista O'Neill i bin go wantaim tripela gavman minista na Gavana bilong Enga, Peter Ipatas long givim sapat long Mista Duban

Praim minista i tokim moa long 3,000 manmeri na ol singsing grup na ol ben grup long Bates oval namel long Madang taun olsem Nixon Duban i gat spes long gavman bilong em olsem na wok bilong Polis Minista em i lukautim tasol i stap. Taim Duban i win na go bek em wok bilong em

i stap pinis.

Dispela Madang bai ileksen i gat 18 kenidet i resis long en. Madang Open bai ileksen i bin kamap bihain long kenidet husat i kamap namba tu, Bryan Kramer i bringim ileksen petitisen long kot na i win na kot i mas gat bai ileksen.

Sentral Provins bai gat lo bilong edukesen

Kolopu Waima i raitim

Sentral Provins bai i gat lo bilong em yet long wok bilong edukesen neks yia.

Sentral provinsal edukesen edvaisa, Titus Romano Hatageni i mekim dispela toktok las wik long taim ol nupela edukesen bod memba bilong Sentral Provins i mekim promis bilong mekim stret wok bilong ol.

Ol i salim pinis draf bilong dispela lo i got aut long ol arapela lain i lukim na givim tingting bilong ol. Orait bihain bai ol i givim i go long Sentral Provinsal Asembli, we ol memba bilong provinsal asembli i ken glasim na givim tokorait.

Em i tok Sentral Provins em i wanpela bilong ol 9-pela provins husat i no gat Edukesen Ekt.

Mekeo pipel kontrolim buai

Kolopu Waima i raitim

OL Mekeo pipel long Kairuku-Hiri ilektret long Sentral provins i bin stopim ol Kerema na ol arapela Mekeo longkarim buai go salim long Mosbi las wik. Tasol ol wokman bilong Nesenel Kapitel distrik (NCD) i bin go long Mekeona stretim tok.

Presiden bilong Mekeo-Kuni Lokal Level Gavman, Bona Ineé i tokim Wantok Niuspepa olsem ol i bin mekim olsem long kontrolim muvmen bilong buai i kam long Mosbi. Em i tok NCD Gavana i



Mista Ineé

bin stopim buai long siti na ol i painim taim long salim buai. Ol lain bilong em i

nogat hap bilong maketim buai long siti.

Mista Inneé i tok wanpela hap long Hiritano Haiwe ol i makim long salimbuaitu i no redina ol lain bilong em i painim bikipela hevi.

Em i tok ol i blokim rot long kontrolim buai na i no long arapela samting.

"Mipela laik kontrolim buai na ol lain bilong mi i putim rot blok. Nau mipela i tok tok gut wantaim ol NCD na nogat moa rot blok bai kamap," Mista Ineé i tok.

Bikpela lotu bung long pinisim Yia bilong Bilip



Jisas Kraiss em i King

LONG yumi mama Sios, i gat leksimari, we yumi save bihainim ol Sande rit. Long litemjell yia yumi i gat yia A, B na C. Olsem long dispela yia em yia C na bai yumi makim las Sande long dispela wik Sande em makim Kraiss em i King.

Olsem na yumi Anglican long Kraiss em i King Sios long Oro Bada viles long ATS bai selebretim bikpela pestode bilong Kraiss em i King. Luk 23: 35-49 i stori long olsem wanem ol birua i mekim nogut long Jisas em i King. Long Olpela Testamen i stori planti long ol wok, rol, duti na komitmen bilong ol wok bilong ol King.

Long taim bilong Jisas King bilong dispela graun na pasin grid, selpis na prait i bikpela samting tru. Olsem tude yumi lukim wok bilong praim minista na ol memba long palamen. Yumi lukim pasin stil i go antap long maunten stret, pasin grid, selpis na prait em i stap long sistem long gavman sait tasol.

Na yumi pipel na oposisen yumi kamap olsem ol lain i no gat pawa. Long wanem mani tasol na em i hamaim olgeta minista bilong gavman na ol i stap isi.

Long pawa bilong mani long dispela graun, ol i no tingting moa long ilektoret we ol i makim em na i stap long haus tambaran. Ol i no moa tingting long yumi ol pipel, ol i moa tingting long bihain bilong ol PNG olsem wanem. Sori tru, dispela kain pawa na lidasip i pundanum yumi PNG pinis. Yumi lukim pinis olsem 2014 em i dinau baset. Mani baset tru em i stap long poket bilong wan wan gavman minista, memba na lida bilong yumi long kantri.

Tru tumas, yumi lukim lidasip bilong Jisas Kraiss na olsem wanem dispela spesel na Kraiss i King de bai yumi makim na selebretim dispela Sande. Dispela liklik rait i stap antap long het bilong Jisas, em i tok, "Jisas King bilong ol Juda."

Yumi lukim nau i olsem Jisas em bilong ol pipel o yumi poket bilong Jisas i pulap tru long pipel. Mani bilong God em yumi na pawa na lidasip em long hat bilong yumi, na fotnait Jisas i kisim long em, em Soul bilong yumi. Em i no wari long laip bilong em yet, nogat!

Em i wok long laip bilong yumi na dai long yumi tasol. Long dispela rot tasol, hevi bilong yumi em tron o sia bilong em, hevi bilong yumi wilwil em long het em kraun bilong King Jisas, pen bilong dispela wol, dai bilong em na kirap bek bilong em. Em kisim dispela biknem. Kraiss em i King-kain lidasip na stail kingsip bilong Kraiss i King, em i no olsem yumi lukim long PNG. Olsem pasin stil, grid, prait na mi-mi pasin, em pasin bilong lida man long dispela graun.

Pasin we Jisas i kamapim na kisim biknem, em i kamap liklik man, lukluk long arapela pastaim, pasin bel isi, pasin bilong laikim, pasin bilong serim, self sakrifais, na redi long dai long hevi bilong arapela. Em tasol em trupela pasin na em i salens bilong yumi. Yumi mas glasim gut na bihainim olsem pasin bilong Jisas. Em nau bai yumi i gat sia i stap pinis long Haus bilong God.

Jisas Kraiss em i King
LONG yumi mama Sios, i gat leksimari, we yumi save bihainim ol Sande rit. Long litemjell yia yumi i gat yia A, B na C. Olsem long dispela yia em yia C na bai yumi makim las Sande long dispela wik Sande em makim Kraiss em i King.

Olsem na yumi Anglican long Kraiss em i King Sios long Oro Bada viles long ATS bai selebretim bikpela pestode bilong Kraiss em i King. Luk 23: 35-49 i stori long olsem wanem ol birua i mekim nogut long Jisas em i King. Long Olpela Testamen i stori planti long ol wok, rol, duti na komitmen bilong ol wok bilong ol King.

Long taim bilong Jisas King bilong dispela graun na pasin grid, selpis na prait i bikpela samting tru. Olsem tude yumi lukim wok bilong praim minista na ol memba long palamen. Yumi lukim pasin stil i go antap long maunten stret, pasin grid, selpis na prait em i stap long sistem long gavman sait tasol.

Na yumi pipel na oposisen yumi kamap olsem ol lain i no gat pawa. Long wanem mani tasol na em i hamaim olgeta minista bilong gavman na ol i stap isi.

Long pawa bilong mani long dispela graun, ol i no tingting moa long ilektoret we ol i makim em na i stap long haus tambaran. Ol i no moa tingting long yumi ol pipel, ol i moa tingting long bihain bilong ol PNG olsem wanem. Sori tru, dispela kain pawa na lidasip i pundanum yumi PNG pinis. Yumi lukim pinis olsem 2014 em i dinau baset. Mani baset tru em i stap long poket bilong wan wan gavman minista, memba na lida bilong yumi long kantri.

Tru tumas, yumi lukim lidasip bilong Jisas Kraiss na olsem wanem dispela spesel na Kraiss i King de bai yumi makim na selebretim dispela Sande. Dispela liklik rait i stap antap long het bilong Jisas, em i tok, "Jisas King bilong ol Juda."

Yumi lukim nau i olsem Jisas em bilong ol pipel o yumi poket bilong Jisas i pulap tru long pipel. Mani bilong God em yumi na pawa na lidasip em long hat bilong yumi, na fotnait Jisas i kisim long em, em Soul bilong yumi. Em i no wari long laip bilong em yet, nogat!

Em i wok long laip bilong yumi na dai long yumi tasol. Long dispela rot tasol, hevi bilong yumi em tron o sia bilong em, hevi bilong yumi wilwil em long het em kraun bilong King Jisas, pen bilong dispela wol, dai bilong em na kirap bek bilong em. Em kisim dispela biknem. Kraiss em i King-kain lidasip na stail kingsip bilong Kraiss i King, em i no olsem yumi lukim long PNG. Olsem pasin stil, grid, prait na mi-mi pasin, em pasin bilong lida man long dispela graun.

Pasin we Jisas i kamapim na kisim biknem, em i kamap liklik man, lukluk long arapela pastaim, pasin bel isi, pasin bilong laikim, pasin bilong serim, self sakrifais, na redi long dai long hevi bilong arapela. Em tasol em trupela pasin na em i salens bilong yumi. Yumi mas glasim gut na bihainim olsem pasin bilong Jisas. Em nau bai yumi i gat sia i stap pinis long Haus bilong God.

Veronica Hatutasi i raitim

PLANTI tausen Katolik bilip manmeri na pikinini i no wari long tuhat bilong bikpela Mosbi san, na ol bin stap insait long wanpela bikpela lotu i kamap long las wik Sande long Mari Bareks pilai graun long Mosbi.

Misa lotu ya i bilong pinisim "Yia bilong Bilip", em het tok long kalenda bilong sios i bin stat long Oktoba 11, 2012 na i pinis long las wik Sande, Novemba 13, 2013.

I no long PNG tasol, Katolik Sios long wol i wokim selebren long dispela de yet long pinisim "Yia bilong Bilip".

Pot Mosbi Katolik Asdaiosis i bin holim selebren long Mari Bareks bikos em i gat inap spes long kisim klostu 10,000 Katolik pipel bilong 14 peris bilong em.

Wantaim bikpela san, ples i

bin soim ol kain kala wantaim ol ambrela we pipel i yusim long haitim ol yet long tuhat.

Masta bilong seremoni, Orlando Antonio, i tok hetman bilong Katolik Sios long wol bipo, nau Pop Emeritus Benedict 16, i bin makim yia bilong bilip las yia wantaim as tingting long ol bilip manmeri i ken strongim bilip na wok long dispela eria.

Na taim Pop Francis i kisim ples bilong Pop Benedict 16 long stat bilong dispela yia, em i skruim dispela wok we i lukim pinis bilong em nau.

Long namba tri Jenerel Asembli bilong Katolik Sios bilong PNG na Solomon Ailan i bin kamap long Madang las wik, Dokta Catherine Nongkas bilong Diwain Wod Yunivesiti (DWU) i bin tok ol samting bilong graun i wok long pulim planti man na ol i no tingting tumas long Bikpela na Kristen

pasin. Na mak bilong ol bilip manmeri i wok long pundaun tude.

Em i bin tok bilip i mas salensim kalsa long sait bilong tumbuna pasin na ol nupela samting bilong tude.

Na long mekim dispela, Kristieniti i laikim pipel i kam wantaim olsem komyuniti na daunim ol tumbuna bilip long posin o sanguma, tarangu pasin long taun na famili i bagarap.

Dokta Nongkas i tok dispela em ol kain pasin tude we sios i gat salens long autim bilip.

Rochus Lokinap i bin go pas long Pot Mosbi Asdaiosis long redim ol wok na program i bin kamap long dispela de.

Em bin tok amamas long olgeta lain i kamap long dispela bikpela selebren bilong bilip.

"Mi amamas long yupela olgeta i kam, na mi luksave tu long sampela bikman i kamap

long dispela selebren. Em long Gavana bilong Is Sepik na papa bilong kantri, Sir Michael Somare, Gavana Jenerel Sir Michael Ogio na Ledi Esmie, Hai Komisina bilong Fiji na misis bilong em na ol narapela moa.

Mausman bilong Pop long PNG, Asbisop Michael Ballach, i no bin stap, tasol Mista Antonio i bin ritim wanpela pas we em i tok,"tru mi no stap long hap, tasol spirit bilong mi i stap wantaim yupela."

Em i bin tok selebren i wanpela rot long bringim bek strong long bilip bilong sios na ol nupela senis olsem evenjelaissen, na strongim bilip bilong ol yangpela.

Planti yangpela bilong ol wan wan peris long asdaiosis i bin go pas long ol program bilong dispela de, we i soim olsem ol yangpela i wok long holim strong bilip nau.



WAIGANI PERIS: Ol lain bilong Waigani Peris i opim lotu taim ol i kisim ol pater i kam insait long ples bilong lotu.



Sampela long ol bisop na pater i wokabaut prosesio i go long statim lotu. *Poto: Nicky Bernard*



OL MUSIK LAIN: Ol musikman i bin pairap gut stret na kamapim gutpela musik long taim bilong lotu. *Poto: Veronica Hatutasi*



OL LIDAMAN: Selebren i bin gat ol lida bilong kantri na strongpela Katolik bilip lain olsem Gavana Jenerel Sir Michael Odio na Ledi Esmie, Is Sepik Gavana, Sir Michael Somare na Hai Komisina bilong Fiji na meri bilong em. *Poto: Nicky Bernard.*

Strongim evenjelais na wokbung

Veronica Hatutasi i raitim

YUMI kisim singaut long evenjelais o kisim Tok bilong God i go aut long planti moa manmeri na promotim o apim laip we yumi bung wantaim God na wanpela arapela.

Asbisop bilong Pot Mosbi Asdaiosis, John Ribat MSC, i tok olsem long tok skul bilong em long bikpela misa lotu las Sande bilong pinisim olgeta wok long "Yia bilong Bilip" insait long Katolik Sios.

Long wankain taim tu, Asbisop Ribat i tok taim yumi bung wantaim na selebretim bilip, yumi tingim tu ol pipel long Filipin husat i bungim hevi long strongepela win ol i kolim

taifun Haiyan i bagarapim stret planti tausen pipel bilong Tacloban siti.

Asbisop i bin toktok long Santu Spiritu, em presen Bikpela i givim long yumi long stiaim wokabaut bilong yumi na holim strong bilip. Na long Sakramen bilong Baptismo we yumi kisim nupela laip long spirit.

"Tude em i de bilong amamas. Long baptismo em i makim yumi olsem bilong em na kisim nupela laip.

Na gif bilong Santu Spiritu. "Pop Emeritus Benedict 16 i bin makim Yia bilong Bilip long strongim ol Kristen komyuniti long bilip laip.

Na Pop John Paul 2 i bin

namba wan man long kamap wantaim hap tok, "nupela evenjelisesen", Asbisop John i tok.

Em i tok yumi gat wok long go aut long bikpela solwara, tromoi ol umben long en.

Asbisop i tok Pop Francis i strongim yumi long glasim gen bilip bilong yumi. Na Tok bilong Bikpela i no nap go lapun.

"Man i ken abrus long ol samting o rot em i go long en, tasol bilip bai stap olsem sta i soim rot taim olgeta narapela samting i no stap," Asbisop Ribat i tok.

Long ol narapela samting, 60 yangpela sumatin i bin

kisim sakramen bilong Konfermasio long dispela taim.

Misa i bin go gut tru. I bin gat naispela kwaia ol lain i makim ol wan wan peris i bin bung wantaim na kamapim kwaia grup bilong dispela selebren. Na ol yangpela man i bin pilaim ol musik instramen long go wantaim kwaia i pilai gut tru.

Ol wan wan peris we ol i bin makim ol i bin kisim stat bilong lotu prosesio, gospel, ofa na pinis.

Ol i bin putim ol naispela tumbuna bilas na kisim prosesio. Bihain long misa, olgeta manmeri na pikinini i bin gat bung kaikai aninit long ol wan wan dineri na peris bilong ol.

TOK PISIN NEWS
from Radio Australia
radioaustralia.net.au

101.9FM
Port Moresby

Tok Pisin Service
6am - 7am 6000, 72-1000KHZ
7pm - 9pm 5995, 6025, 9710, 12800KHZ



Poto i soim paspot bilong Australia i go aut hait long narapela kantri...

Indonesia givim Australia tupela de

Indonesia i givim Australia tupela de long tok save gut long ol ripot olsem spai sevis blong Australia i bin hait na traim harim ol toktok bilong Presiden Susilo Bambang Yudhoyono.

Indonesia i tok Australia i mas soim olsem gutpela wok poroman namel long tupela kantri i stap yet. ABC ripot i tokaut olsem Indonesia i bin singautim Embasada bilong en long Australia i go bek.

Ol pepa ABC na Guardian Australia i bin kisim i soim olsem Australia i bin traim long harim ol toktok bilong Presiden Susilo Bambang Yudhoyono long telepon long 15 de long 2009.

Ripot i tok ol i traim long harim ol telepon toktok bilong meri bilong presiden, Ani Yudhoyono na ol arapela bikpela pipel bilong gavman.

Indonesia i hariap long singautim bek embasada bilong en na i lukluk gen long wok poroman wantaim Australia. Ol i tok strong olsem Australia i mas tok save gut long dispela samting.

Kaneda polis i holim ol lain i bagarapim ol pikinini

I gat 65 pipel bilong Australia i stap namel long moa long 300 pipel ol polis bilong Kaneda i kalabusim. Ol dispela lain i stap insait long wanpela grup i save mekim ol pasin nogut long ol pikinini. Ol polis i tok ol i no bin lukim wanpela kain pasin nogut olsem dispela pasin ol lain ya i wok long mekim long ol pikinini.

Ol polis long Australia i wok long painim ol dispela 65 pipel bilong Australia. Komanda Glen McEwan bilong AFP Cyber Crime Operations i tok bai ol i holim na sasim planti moa pipel.

ABC ripot i tok ol polis bilong Kaneda i tok olsem ol i wok long mekim ol wok painimaut i go long displa kain wok nogut em ol i ting ol i save kamapim planti milien dola. Na ol i bin ol i kalabusim klostu 350 pipel long planti kantri long wol. Planti long ol dispela man nogut em ol i save wok olsem

ol tisa, dokta, pater, bruder na ol polis.

Ol i bin kisim bek na helpim samting olsem 386 pikinini na ol yangpela pipel em ol dispela man nogut i save bagarapim. Sikispela i bilong Australia, faivpela bilong Westen Australia, na wanpela bilong Australia Kapitel Teritori.

Wanpela tokmeri bilong Kaneda polis, Joanna Beaven-Desjardins i tok, "Ol opisa i painim planti tausen piksa i soim ol kain kain pasin nogut ol man i mekim long ol liklik pikinini." Ol polis long Australia i holim pinis ol dispela man nogut bilong Australia aninit long wanpela wok ol i kolim Operation Thunderer. Bai ol i sasim olgeta long 399 sas long bagarapim ol yangpela pikinini.

Ol dispela man nogut long Australia em krismas bilong ol i stap namel long 25 na 72. Polis i sasim ol long kamapim na salim ol piksa nogut bilong ol pikinini o ol i save putim ol dispela piksa nogut long intanet.

Namba bilong ol dispela man nogut na we ol i stap long Australia em: Kwinlan 33, Saut Australia 12, Nu Saut Wels 9, Viktoria 5, Westen Australia 5 na Australia Kapitel Teritori 1.

Solomon Islands: Maining i kamapim planti wari

Ol papagraun bilong Isabel provins long Solomon Ailan i tingting planti long ol wok bilong maining long ples bilong ol.

Dudley Vunagi prinsipel edministresen opisa long Isabel provinsal gavman i bin toktok wantaim Caroline Tiriman bilong ABC.

Em i tok ol dispela toktok i kamap bihain long wanpela maining miting i bin pinis long Buala, biktaun bilong provins long Trinde.

Planti lida bilong Isabel provinsal gavman, ol papagraun, ol Isabel Kaunsil ov Sif, ol sios na tupela maining kampani, Sumitomo na ExxonMobil i bin stap tu long dispela miting.

Solomon Ailan, i wankain olsem ol narapela kantri long Melanesia we ol pipel i papa bilong graun.

Mista Vunagi i tok ol papagraun i harim planti gutpela na nogut samting ol wok bilong maining i ken kamapim, na nau ol i tok ol i mas lusim pastaim.

WOI NIUS

Indonesia presiden i no amamas long Australia

INDONESIA: Indonesia i no laikim pasin we Tony Abbott i kamapim toktok long spai pasin i kamap long ol na wetim bekim bilong em.

Indonesia i askim Mista Abbott long tok klia na tok sori long Indonesia long pasin spai i wok long kamap long kantri bilong ol. Tasol Tony Abbott i tok, mi no inap tok sori na tokaut long intelijens operesen bilong Australia long ol bikos dispela wok ol i mekim em long lukautim na protektim kantri bilong ol.

Bikpela samting insait long Australia em, mipela yusim ol kain we na risos long protektim ol pren kantri na alai bilong yumi long birua i kam holim mipela", em i tok.

Mista Yudhoyono i wetim Mista Abbott long tok klia



Indonesian president Susilo Bambang Yudhoyono i tok em i no laikim tumas ol toktok bilong Tony Abbott long palamen. (AAP: Daniel Hartley-Allen, file photo)

gut na wetim em long rivium gen wok pren bilong wankain taim Indonesia i ol wantaim Australia.

Saspek long dai bilong liklik boi

AUSTRALIA: Ol i painim bodi bilong liklik oikinini man insait long kar long Maryborough haus tasol em i dai long haus sik. Dispela pikinini i gat 3-pela krismas.

Polis long Queensland Wide Bay i mekim wok painimaut long wanpela haus long Mayborough we liklik boi i dai long en long Mande 4 klok apinun (AEST)

Polis i tok, dispela liklik 3 yia ol pikinini i stap insait long kar taim ol i painim em

klostu long haus bilong em.

Ol i bilip olsem papamama bilong em i ringim embulans taim ol i painim em hap dai i stap.

Ol medikel lain i traim long sevim em tasol liklik boi i dai long Mayborough Haus sik. Ol polis i glasim dispela dai i no stret na mekim wok painimaut long dispela dai na kisim ol tes.

Bikpela haus stua pundaun na kilim wanpela na planti bagarap



SAUT AFRIKA: Wanpela man i dai, na planti i stap pas aninit long bikpela haus stua o soping mol long Saut Afrika sity long Duban

Wanpela man tasol i dai na 50 o moa i pas aninit long wanpela soping mol we ol i bildim na i no i pinis gut yet i pundaun na na karamapim ol manmeri, pikinini insait long Saut Afrika kostal siti long Duban.

Arapela 26 manmeri i go pinis long haus sik long taun bilong Tongaat, 30 kilomita long not Duban,

Netcare 911 sevis man, Chris Botha i tok.

Ol i no klia tumas wanem samting i kamapim dispela asua taim dispela 3 stori haus i pundaun nating taim i stap long konstraksen yet.

Long poto i soim ol polis i wok long wokabaut antap long ol metal na palang bilong haus na helpim ol manmeri i stap klostu long railwe trek.

Bikpela hap bilong haus i kamaut olgeta.

Lukluk bilong dispela birua i kamap i no gutpela tumas, ol brik na metal i

pundaun antap long ol manmeri pikinini husat i stap insait long dispela bikpela mol, Ms Botha i tokim ol brodkasta bilong ENCA long ples birua i kamap.

Ol man i wok long yusim ol haidrolik masin long katim ol metal na rausim ol brik long kamautim ol manmeri.

Embulans tu wok long go kam long ol haus sik klostu. Dispela i luk olsem bikpela disasta plen bai kamap long dispela bagarap.

Planti i pas i stap insait insait yet.

Pacific BEAT Listen to Radio Australia 101.9FM Port Moresby

4. 5. 6am & 4pm. 5pm including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat

Bai 2014 baset i karim kaikai sapos i gat gutpela stia



Ol pipel bilong Papua Niugini i ai op long harim hamas mani gavman i tokaut long baset bilong 2014. Mak bilong mani inap long K15.144 bilien. Em i bikpela mani tru i winim baset bilong ol arapela yia bipo. Mak bilong dispela baset i K1.8 bilien moa long 2013 baset we yumi lukim K13.2 bilien. Long taim gavman i tokaut long dispela baset, em i tok tu olsem dispela bai i dinau baset gen tasol long 2017 bai baset i orait bikos em i bilip bai i gat inap mani long stretim mani plen bilong gavman.

Yumi ol manmeri nating i ai op long harim kain bikpela mak bilong mani olsem. Bipo yumi save ting milien Kina em i bikpela mani, tasol nau namba i go abrusim milien na kamap long K15 bilien. Ol saveman bilong stretim baset na ol politisen husat i tokim ol long skelim mani, i bin mekim bikpela wok tru long redi long autim dispela baset. Yumi tok tenk yu i go long gavman na Praim Minista Peter O'Neill wantaim Tresari Minista Don Polye long bilip bilong ol long strong bilong PNG na ol i kamapim kain baset olsem i winim mak bilong planti bilien Kina.

Long taim yumi skelim baset, bai yumi lukim bikpela mani moa i go insait long helt, edukesen, stretim ol haus sik, egrikalsa, bisnis, lo na oda, ol provins, ol gavman dipatmen wantaim ol arapela liklik han bilong gavman. Bikpela mani i go tu long ol bikpela wok olsem 2015 Pasifik Gems na Melanesia Arts Festival. Na long kantri yet, gavman i



putim mani long statim wok bilong kirapim foapela bikpela siti bilong PNG, Mosbi, Lae, Mt Hagen na Kokopo.

Dispela baset bai inap long winim mak bilong kamapim wok na bringim sevis i go long ol pipel bilong Papua Niugini sapos yumi olgeta i pasim tingting na wok stret. Kain mak bilong mani olsem bai kamapim ol gutpela na nogut wantaim. Bai kamapim pasin bilong westim mani, o i no tingting gut na spendim mani, bai i kamap moa stil pasin na skruim mak bilong korapsen i go bikpela moa yet. Tasol

dispela kain mani inap long givim trupela sevis i go long ol pipel long ol distrik na ples long wan wan provins long PNG.

Gavman i skelim bikpela mani tru i go long ol 89 distrik. Ol pipel i mas lukim trupela sevis i kamap nau. Ol kain samting olsem ol rot, bris, ples balus, helt senta, ol skul na pos opis, benk na telepon i mas kamap. Olgeta hap long wol i wok long senis nau, na yumi tu i mas senis wantaim ol.

PNG em i ples bilong planti maunten na bikpela bus, wara na solwara i raunim bikples. Sapos yumi laik senis i kamap, orait skelim

mani i go long rausim ol rot-blok i save pasim wok oltaim. Yumi nidim ol gutpela saveman na meri husat i ken mekim tru wok bilong bringim senis i go long ples. Planti taim bikpela mani bilong baset i save sindaun nating bikos distrik o provins i no yusim. Ol i no yusim bikos ol i no gat ol saveman long go pas long kamapim wok. Dispela tu i mas senis. Yumi painim rot bilong skulim ol na bai ol i klia na redi tasol long helpim ol distrik i spendim mani gavman i makim long mekim wok.

I gat narapela samting yumi sot tru long en. Planti

distrik i mekim gutpela wok. Ol i hatwok long yusim save bilong ol long mekim wok, tasol i no gat gutpela luk-save i save kamap long hatwok bilong ol. Wankain hevi i save kamap tu long ol provins. I gat ol gutpela opisa husat i mekim stret wok bilong ol. Na i gat tu ol dispela slek lain husat i hait yet na kaikai nating mani bilong kantri. Ol i stap yet bikos i no gat gutpela rot bilong sekap na rausim ol.

Long sampela provins na gavman dipatmen, i gat ol giaman nem i stap na pot-nait mani i save go long ol. I gat wankain stori tu long dispela, i no gat man i sekap na stopim olsem na stil pasin ya i wok long kamap yet. Long taim Mista Polye i tokaut long 2014 baset, em i bin mekim strongpela toktok long stapim dispela stilpasin. Em i tok bikpela mani bilong kamtr i save lus long dispela rot.

Olsem na yumi ken tok, tingting na bilip bilong gavman long kamapim kain baset olsem em i gutpela. Yumi inap long winim dispela mak bilong kamapim gut kantri wantaim kain mani olsem sapos yumi olgeta i strong na mekim wok. Pasin bilong sindaun isi na larim ol narapela i mekim wok, i mas pinis nau.

Bikpela mani i go long edukesen, pe bilong ol tisa tu bai i go antap long 2014. Yumi amamas long dispela, tasol yumi laik lukim ol tisa i mas wok gut. Planti skul long taun i save kisim taim bikos ol tisa i no kamap long wok na ol skul pikinini i raun nating long laik insait

long skul graun. Ol haus sik tu i kisim bikpela mani. Planti bagarap i kamap long ol haus na ol masin na ples bilong wok. Ol nes na dokta i save kisim taim tasol ol i mekim bikpela wok yet long sevim laip bilong ol pipel Planti pipel bilong yumi i wok long hatwok long painim mani long go kisim marasin na operesen long ol haus sik long ovasis kantri bikos yumi no gat ol masin na dokta husat i ken stretim sik bilong ol. Nau em i taim bilong lukluk long ol kain samting olsem. Kantri i gat wanpela haus sik tasol i save lukautim ol lain i gat sik kensa. Dispela haus sik long Angau i painim taim nau bikos haus sik yet i bagarap na i no gat spes bilong ol sikman i kisim helpim long kensa wod.

Dispela em ol liklik samting tasol taim yumi bungim wantaim bai yumi luksave olsem mani i mas go stret long stretim ol dispela hevi. Yumi no mas lukluk tasol na larim i stap.

Taim bilong paitim bros na apim nem long kamapim bikpela bilien kina baset i no inap mekim dispela baset i karim kaikai. Gutpela stia na stretpela pasin na hatwok em ol rot bilong kamapim tru wok na givim sevis na gutpela sindaun i go long ol pipel bilong Papua Niugini.

Yumi no mas lusim ting olsem dispela em i dinau baset na ol pikinini na tum-buna bilong yumi bai karim bikpela hevi long laip bilong ol sapos yumi no smat na bekim olgeta dinau gavman i kisim long kamapim dispela 2014 baset.

2014 baset holim yet fri edukesen na helt

Nesanel gavman i tokaut long 2014 nesanel baset long palamen long Tunde we mani mak i sanap olsem K15 bilien.

Minista bilong Tresari, Don Polye i autim dispela baset bilong O'Neill gavman long Tunde na i tok olsem dispela baset i wankain olsem 2013 we no gat planti senis long en.

Planti ol gavman sevis na developmen plen i sanap wankain yet olsem long ol rot na bris, ples balus, lo na oda, edukesen, helt sevis na ol distrik sevis. Em i bikpela mani long dispela baset bai go long en.

Nesanel gavman bin putimaut pinis fri edukesen long dispela yia na em i sanapim gen long dispela baset we bai ol i karimaut long 2014. Wankain tu gavman i laik kamapim fri helt sevis we yumi ken go kisim marasin long haus sik na yumi no ken baim haus sik fi. Dispela tupela bikpela sevis i stap insait long baset we gavman mas putim long prais bilong ol kaikai na ol



lukim olsem tupela sevis ya em i fri insait long kantri.

Long wok bilong opim gut olgeta rot na bris, em bikpela samting long lukim ol pipel long ples na kantri i ol sevis i ran gut long ol taun na siti kam go daun long ol ples.

Wanpela bikpela samting em gavman i no laik long apim takis long planti samting insait long kantri na dispela em gutpela nius bikos takis em wanpela het pen samting long planti manmeri.

Takis em wanpela bikpela rot gavman save mekim mani long kamapim baset bilong kantri long olgeta yia. Tasol dispela gavman i tokaut long ol no inap apim o kamapim wanpela nupela takis moa na dispela inap helpim tru planti pipel bikos nau yumi bungim planti hevi long prais bilong ol kaikai na ol

samting long stua.

Prais i antap moa na taim takis i go antap, prais bai go antap moa yet. Olsem na dispela em wanpela gutpela nius long ol pipel insait long kantri.

Baset em olsem plen bilong mani we mani bai go long baim wanem samting long kamapim gutpela senis insait long kantri. Mani bai go long we long lukim gutpela senis na developmen i kamap. No gat wanpela kantri i save ran nating na no gat mani plen o baset bilong em.

Ating planti plen bilong baset i sut long mekim moa mani na kirapim moa bisnis insait long kantri long neks yia. Bikos neks yia em taim bilong LNG long kirapim wok bilong em we planti bikpela mani na bisnis bai kirap long kantri. Olsem na baset i mas opim rot bilong LNG long kamap na ran gut antap long en.

Lo na oda em wanpela bikpela hevi long kantri na baset i mas karamapim gut dispela sait bikos taim hevi bilong lo na oda i go daun, gut-

pela sindaun na gutpela senis i save kamap. Gutpela senis long bisnis, gutpela senis long laip bilong ol pipel long go kam na mekim ol wok na bisnis bilong ol. Ol ovasis bisnis ken kam na mekim wok bisnis na givim planti wok long ol pipel bilong yumi.

Em ol gutpela samting we inap kamap sapos lo na oda hevi i kam daun. Olsem na baset bilong kantri i mas lukluk gut long putim moa mani go long strongim wok bilong lo na oda insait long kantri.

Gutpela long ol pikinini bai no inap baim skul fi long neks yia tasol baset mas lukluk tu long wokim moa klasrum na ol haus bilong ol tisa long slip gut na mekim wok bilong lainim ol pikinini bilong yumi.

Ol saveman bilong baset o mani i ken toktok moa long dispela tasol yumi laikim olsem i mas lukautim gut ol dispela poin yumi toktok long en bai ol sevis na helpim tru yumi ol pipel save laikim i ken kamap gut na sevim yumi long 2014.



Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00


General Manager
Elizabeth Konga
Acting Editor
Veronica Hatulasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Indonesia: Wanpela ples bilong ol animal long Surabaya long Saut-Is Esia, bipo bin i wanpela gutpela zoo we planti manmeri na ol pikinini i save go raun na lukim ol animal tasol nau stap bagarap tru. Planti ol kain kain animal olsem ol Simatran taiga, ol uranutan manki, ol komodo dragon palai na wanpela jiraf i dai pinis long yia i go pinis. Dispela zoo i kism bagarap long hangre nogat kaikai. Planti tausen i dai isi isi bikos haus zoo i pas pas tumas na no gat gutpela sindaun bilong ol. Sampela i dai isi long poisen ol zoo lain i givim long kliaim ples. Long 3-pela mun i go pinis, 50 animal i dai pinis. Tripela taiga, planti komodo dragon i dai long dispela taim.



Australia: Liklik tonado o raun win i rausim ruf bilong wanpela haus piksa na brukim olgeta windo bilong en na bagarapim planti manmeri na pikinini tu long noten Sydney soping senta long Australia las wik. Ol emejensi lain i stap long hap long helpim ol bagarap i tok, liklik raun win tasol strong moa yet i bin kam long 2.45 klok apinun stret na kamapim dispela bagarap.



France: Ganman i tok lukaut long senia edita, Neks taim mi no inap abrus". CCTV i soim man husat i go insait long wanpela TV kampani, BFMTV long Paris insait long kantri Frans na sut insait long hap.

Teksi draiva, Manbir Sing i kism bikpela bagarap long lep ai bilong em taim ol spakman i laik kalap long teksi bilong em na em i tok nogat. Bai teksi i sot long ples Adelaide long Australia bikos dispela kain pasin bilong paitim ol teksi draiva i kamap planti taim long nait taim tasol. Planti ol teksi draiva i les long wok nait nau na gavman na ol teksi kampani i wok long lukluk long dispela pasin na protektim ol teksi draiva. Faiwpela spakman i kamaut long nait klap na askim Manbir Sing long karim ol i go tasol em i les bikos ol i spak tumas. Long dispela as ol spakman i i paitim em na bagarapim ai bilong em. "Mi no inap draiv moa", em i tok. "Mi les pinis long dispela pasin i kamap long nait olgeta taim".



Australia:



London: Gary Richards, husat i gat narapela nem, Gary Stretch, na Joanna Dennehy, husat i tok em kilim tripela man i nau stap long kalabus. British meri na siriell kila i tokaut long kot olsem em bin kilim tripela man na tromoi bodi bilong ol long baret. Dispela toktok em mekim long ai bilong kot na mekim loya bilong em i kirap nogut. Ol i bin painim bodi bilong ol dispela dai man wantaim ol mak bilong naip i stap long bodi long mun Mas na Epril na ol i ting i ol narapela man i mekim tasol em meri ya i tok pinis. Meri ya i tok, em tasol i mekim na em i giliti long ol dispela sas.

YAH Klap Presiden kisim CPL Awod

Bronwyn Kili i raitim

OLGETA yia, City Pharmacy Limited (CPL) i save givim aut ol Pride of PNG Awod bilong ol meri.

Ol i bin kirapim dispela awod long luksave long ol meri long PNG, lapun na yangpela, long helpim ol i save givim long komyuniti. Ol i save mekim bikipela wok bilong helpim ol lain i no gat rot long helpim ol yet, tasol pablik i no luksave long ol. Yumi save pinis olsem long Papua Niugini, ol man i no luksave tumas long ol wok bilong ol meri, bilong wanem kalsa i tok mak bilong ol meri em i aninit long man tasol.

CPL i save givim luksave long ol meri insait long 6-pela kategori o eria bilong wok long komyuniti, na wanpela eria em 'Yangpela PNG Awod'. Long dispela yia meri husat i kisim Yanpela PNG Awod, em Joanna Oala, Presiden bilong Yut Adolesens Helt Kap. Dispela klap em bilong ol yangpela pikinini, krismas bilong ol 13 na i go antap long ol yangpela manmeri husat i no marit yet. Ol i save tokaut long helt na sosel sindaun bilong ol yut.

Joanna i gat 20 krismas na em i bilong Hanuabada na Makerupu long Sentral Provins. Em i pinisim namba wan yia pinis long skul long Yunivesiti bilong Papua Niugini long skul bilong ikonoms.

Alex Tanabi, man husat i go pas long Adolesens Riprodaktiv Seksual Helt (ARSH) projek bilong YWCA wanpela kodineta bilong YAH klap. Em i tok Joanna em i wanpela lida husat i save lukautim gut laip bilong em.

"Insait long tupela yia taim em i stap lida bilong YAH, em i bin wok gut tru. Mi amamas tru long em i kisim dispela awod. Mi ting olsem dispela awod i no bilong em tasol, nogat, em i bilong klap tu. Em i bringim gutpela tingting long mipela long lukim olsem ol yangpela bilong mipela i mekim gutpela wok long komyuniti," Mista Tanabi i tok.

"Em i bilip bilong YAH klap olsem ol yangpela man na meri i gat planti save long mekim wok tasol yu bai wok isi wantaim ol na ol i ken gro moa," em i tok.

Joanna i bin kirap nogut taim em i harim olsem em i winim dispela awod.

"Pastaim tru taim ol CPL i ringim mi olsem mi winim awod, mi bin kirap nogut. Mi no ting bai mi kisim wanpela kain luksave olsem," Mis Oala i tok.

Taim Joanna i winim dispela Yangpela Papua Niugini Awot, em i bikipela samting tru, bilong wanem i gat planti ol yangpela pikinini meri i save lukluk long em olsem wanpela gutpela piksa bilong wanem kain laip ol yangpela meri i bihainim.

Famili bilong Joanne i bin amamas tru long taim em i kisim dispela awod.

"Mama bilong mi em i namba wan long save long dispela awot, bilong wanem em i bin stap wantaim mi insait long bas taim CPL i ring na toksave long mi. Mama bilong mi i bin amamas tru na em i wok long kis long pes bilong mi insait long bas," Mis Oala i tok.

Liklik brata bilong Joanna, Joshua Oala i tok em i amamas tru long susa bilong em. Em i tok, susa bilong em i wanpela strongpela meri i no save wet long ol narapela long mekim wok bilong em.

"Wanpela samting mi save laikim long sista bilong mi, em olsem, em i save mekim wok bilong em long save na tingting bilong em yet na em i no save wetim ol narapela," Joshua i tok.

Famili bilong Joanne i bin givim bikipela sapot long em long kamap gutpela piksa bilong ol yangpela long famili bilong em na long narapela lain ausait long famili tu.

Long tingting bilong Joanna, wok bilong lida em i wanpela bikipela salens, bilong wanem, em i meri na tu em i stap long skul yet. Planti taim em i save mekim bikipela sakrifais long putim laik na wok bilong em yet long baksait na mekim wok bilong helpim ol narapela yangpela lain.

Em i tok, "Sampela taim yumi bai putim laik



L-R man i nominetim Joanna Oala, Joanna long namel, na mama bilong em.

Joanna Oala wantaim Ledi Linda Babao, meri bilong Praim Minista Peter O'Neill bihain long Joanna i kisim Awod. Ol Poto: Nicky Bernard

bilong yumi na ol samting yumi yet laik mekim, i go long sait na helpim ol narapela lain pastaim. Sapos mi gat ol skul wok bilong mi i stap, na i gat wanpela bikipela wok i kamap long helpim ol yut, mi save go mekim wok bilong ol pastaim. Na wanem wok bilong mi, em mi save wokim bihain."

Joanne i tok tenkyu long bubu meri bilong em long kamapim dispela kain tingting bilong sanap strong long mekim wok bilong em na helpim ol narapela tu.

"Mi lukim laip bilong bubu meri bilong mi olsem, em i no kamap long wanpela famili i gat planti samting, tasol em i meri bilong wok strong long kamapim gutpela sindaun bilong famili bilong em yet. Na tu, em inap long helpim ol lain i stap klostu long em," Mis Oala i tok.

"Mi tenkyu tu long papa na mama bilong mi long bringim mi kam insait long dispela graun, na tu long ol kodineta bilong YAH klap", em i tok.

Joanna i strongim ol arapela yangpela meri na i tok.

"Maski yu man o meri, yumi olgeta i lida long eria bilong yumi yet. Sapos yu lukim yu yet olsem lida husat i ken senisim sindaun bilong ol pipel, mi bilip tru olsem yu ken winim wanem kain tingting ol man i gat long yu. Yu no inap wari long ol tok bilas bilong ol long daunim yu."

"Sapos long kalsa bilong yu em ol man tasol i save go pas long olgeta samting, mi laik strongim yu olsem, yu tu i ken sanap na mekim samting long helpim komyuniti. Tingting na pasin bilong yu yet tasol bai helpim yu o pasim yu.

Taim wanpela man i kam na tokim yu, olsem yu meri nating, na bai yu no i nap mekim wanpela samting, em i save daunim tingting bilong yu long mekim samting. Tasol sapos yu tanim na lukim dispela olsem em i sans long yu sanap strong, mi bilip tru olsem bai yu inap long mekim bikipela samting," Mis Oala i tok.

Long narapela 4 o 5 yia bihain, Joanna i lukluk long greduet wantaim digri long ikonoms na long kamap lida insait long komyuniti. Mipela i hop ol tingting na laik bilong em bai kamap gut olsem. Joanna em i trupela piksa bilong ol yangpela meri long PNG tude.



Ol Ritel Outlet lain!

Salim moa pepa na win olgeta wik!!

Sapos yu salim,

Ol Ker

Ol bilak Kola siot

Ol marun Kola siot

Ol blu Kola siot

Ol Ambrela

Sapos yu salim olgeta Wantok Niuspepa insait long stua o outlet bilong yu, bai yu gat sans long winim ol dispela promosen klos bilong Wantok Niuspepa!

Dispela promosen bai stap long Oktoba i go long Desemba 2013 tasol.



Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing b'long bifo.
 6:30am - Nius Hetlains
 6:45am - Bonde grtins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction
 - niupela singsing
 7:30am - Tok Pilai - stori b'long putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack
 - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona b'long yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains b'long Belo Taim
 - Laik b'long yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwes na dedikesen
 12:15pm - Komuniti Notis Bod
 12:20pm - BELO Pack - Belo taim rekwes na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwes na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - NIUS - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
- NAIT BEAT - Host: Vaviessie
 6:00pm - MAJOR NIUS BULLETIN
 - YUMIFM Nius Senta
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm NIUS - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm NIUS - YUMIFM Nius Senta
 2pm - 6pm - Sarere Avinun Cruz
 6:00pm NIUS - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
Wiken - Sandei
 6am - 10am - Wiken Sanrais / Sandei Monin wokabout Musik
 10am - 12noon - Monin Treks
 12noon NIUS - YUMIFM Nius Senta
 12 - 2pm - Sandei Belo Taim Music
 2:00pm NIUS - YUMIFM Nius Senta
 2pm - 6pm - Sandei Avinun Draiv Music
 6pm - Nius - YUMIFM Nius Senta
 6pm - 8pm - GOSPEL REKWES AJA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Radio Plei)
 8PM Lukluk Bek Long W'ik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...



Kiau helpim mama Eimabu

Mama Eimabu tanim kiau long sospen. Ol kiau bilong em i save stap long paia 30 minit na em i rausim. *Poto Nicky Bernard*

Nicky Bernard i raitim

MAMA Eimabu em i bilong Wabag, tasol em lusim liklik ples bilong em long Wabag na bihainim liklik brata bilong em i kam long Pot Mosbi.

Taim liklik brata bilong em i baim graun na sanapim sevis stesin bilong em long 5 Mail, em tokim bikipela susa Eimabu long stap long baksait bilong sevis stesin na wokim liklik maket bi-

long em.

Dispela taim mama Eimabu i stat long baim kiau na wokim liklik maket bisnis bilong em. Em i save kisim ol liklik samting olsem buai, na sampela moa liklik samting na salim long baksait bilong sevis stesin.

Mama Eimabu gat ol bikipela pikinini bilong em, sampela marit na go stap long Wabag na sampela stap long Pot Mosbi. Em i gat tumbuna na tumbuna bilong em na ol dispela tumbuna

bilong em save i helpim em long salim ol kiau.

Em i save kisim sampela kiau i go insait long sevis stesin na ol wok lain insait i save salim.

Olgeta de, mama Eimabu i save bai wanpela bokis kiau long K140 na taim em i salim olgeta kiau em i save kisim tasol K40 winmani.

Em i tok prais bilong bokis kiau go antap tasol em i save salim long K1 long wanem em i laik kiau bilong wanpela de i

mas pinis na em i kisim nupela bilong narapela de.

Planti manmeri na pikinini long sait bilong 5 Mail i save gut tru long mama Eimabu long wanem em i stap longpela taim stret long 5 mail. Em i tok 5 Mail i kamap long ai bilong em.

Liklik brata bilong em, i dai tasol em i givim olgeta samting i go long mama Eimabu long lukautim na dispela i givim em strong long stap long liklik hap bilong em long 5 Mail.

EMTV Television Guide

FONDE NOVEMBA 21, 2013

9:00 PM G **HOT SPOT EP#42**
 9:30 PM PG **ELITE MUSIC ZONE EP#42**
 10:00 pm G **NEWS REPLAY**
followed by the Australia Network

FRAIDE NOVEMBA 22, 2013

4:00 AM G **AUSTRALIA NETWORK**
 5:00 AM G **JOYCE MEYER - 1053-5**
 5:30 AM G **EMTV NEWS REPLAY**
 6:30 AM G **TODAY**
 9:00 AM G **DAY 2**
CRICKET - THE ASHES TEST 1
 12:00 PM G **CRICKET SHOW EP#2**
 12:30 PM G **Day 2 continues**
 5:00 PM G **THE SHAK Series 2 Ep# /75**
 5:30 PM G **SKIPPY THE BUSH KANGAROO**
 5:55 PM G **CRIME STOPPERS**
 6:00 PM G **EMTV NATIONAL NEWS**

SARARE NOVEMBA 23, 2013

7:00 PM G **IN MORESBY TONIGHT - Ep#40**
 7:30 PM PGR **GOODWIN GAMES EP#7**
 8:00 PM PGR **MODERN FAMILY YR.3 - EP#13**
 8:30 PM PGR **MODERN FAMILY YR.3 - EP#14**
 9:00 PM MAO **FRIDAY NIGHT MOVIE**
 10:30 PM G **EMTV NEWS REPLAY**
followed by the Australia Network

4:30 AM G **AUSTRALIA NETWORK**
 6:00 AM G **EMTV NEWS REPLAY**
 7:00 AM G **IN HIS STEPS EP#11**
 7:30 AM G **ULTIMATE GUINNESS WORLD**
 8:00 AM G **YOGA SUTRA Ep#34 Rpt.**
 8:30 AM G **TOTALLY SPIES**
 9:00 AM G **DAY 3 CRICKET**

12:00 PM G CRICKET SHOW EP#3

12:30 PM G **Day 3 continues**
CRICKET - THE ASHES TEST 1
 5:00 PM G **ESCAPE FROM SCORPION**
 5:30 PM G **OLSEM WANEM Ep#42**
 6:00 PM G **EMTV NATIONAL NEWS**
 6:30 PM PGR **HOW TO LIVE WITH YOUR PAR ENTS EP#6/13**
 7:00 PM PGR **NEW GIRL S1 EP#8/24**
 7:30 PM PGR **WHITE COLLAR YR.3 EP#8/16**
 8:30 PM G **RAIT MUSIK REPEAT...EP#189**
 9:30 PM G **NATIONAL EMTV NEWS REPLAY**
 10:30 PM G **TBA**
 11:00 PM G **RUGBY LEAGUE WORLD CUP**

SANDE NOVEMBA 24, 2013

1:30 AM G **RUGBY LEAGUE WORLD CUP**

3:30 AM G **AUSTRALIA NETWORK**
 6:00 AM G **EMTV NEWS REPLAY**
 6:30 AM G **IT IS WRITTEN**
 7:00 AM G **HILLSONG - 876**
 7:30 AM G **AUSTRALIA NETWORK**
 8:00 AM G **YOGA SUTRA Ep#36**
 8:30 AM G **BUSINESS PNG# 44 Rpt.**
 9:00 AM G **MARTIN MYSTERY**
 9:30 AM G **OLSEM WANEM - Ep# 36 Repeat**
 10:00 AM G **RESOURCE PNG - Ep#**
 11:00 AM G **CHEF & HIS BETTER HALF**
 11:30 AM G **COOKING ISN'T ROCKET SCI ENCE EP#1 - RE-RUN**
 4:00 PM G **RUGBY LEAGUE WORLD CUP -**
 6:00 PM G **EMTV NATIONAL NEWS**
 8:30 PM G **TOK PIKSA EP#45**
 9:00 PM G **60 MINUTES**
 10:00 pm MAO **SUNDAY NIGHT MOVIE**
 11:30 PM G **HILLSONG Rpt...**

TORO



BIABIA



KANAGE



TOKWIN

Haus-sel bilong Chief Yama pulap long Madang taun

Stori i kam long Madang i tok Pipols Leba Pati (PLP) lida, Peter Yama em ol sapota na strit manmeri long Madang i save kolim em olsem "kwila blong Madang". Sif Yama nau i laik soim stret strong bilong em long kempen long Madang bai-

ileksen na i sanapim ol sel-haus bilong em long kempein long planti strit na setelmen long Madang taun. Long Nu Taun eria em sampela haus-sel tu i stap long wanem hap long go sindaun na harim toktok. Em i resis long bokis namba 27, na bikpela eria bilong ol sapota bilong em long kibung em arere tasol long Smugglers Inn Hotel bilong em we olgeta de taim kem-

pein i stat i kam inap nau em ol manmeri i save pulap tru long hap. Dispela strongpela man i salensim brata bilong em Anton Yagama long Usino-Bundi na i lus, na nau em i traim strong bilong em ken long Madang Open bai ileksen. 18-pela kenidet i resis long bai-ileksen na planti long ol dispela kenidet i wok long tokim ol manmeri olsem ol i "hot" na planti lain i paul tu husat tru em "Kol"....

Tokwin Tasol...

Long yupela ol gutpela Wantok rida i save wokim ol Sudoku kroswod pasel, dispela em nupela SUDOKU. Long solvim Sudoku pasel, putim wanpela namba long wan wan bokis na olgeta ro sudok akros, daun, na olgeta liklik 9-pela bokis skwea long bikpela daigrem o bokis (i gat 9-pela olgeta) bai gat ol namba long 1 inap long 9. Wanpela namba i mas kamap wanpela taim tasol long wanpela ro. Wok wantaim ol namba olsem gaid o stia na wok long pinisim wan wan daigrem wantaim ol missing namba we bai mekim yu painim solusen. Tenkyu na gutpela pilai

STATIM PILAI

Lukluk long namba 9 kolom, bilong pasel piksa i stap long han kais. i gat ol sain insait long pasel bai i ken toksave long wanem hap insait long dispela kolom bai namba 3 i go.

Nambawan sain i stap long namba 8 kolom insait long piksa. I gat wanpela namba 3 insait long namba 5 bokis. Bai yumi i no i nap long putim wankain namba tupela taim insait long wanpela 3 x 3 bokis eria, olsem na yumi bai i no i nap putim namba 3 insait long bokis namba foa, faiv o siks insait long namba 9 kolom.

Yumi ken rausim tu tripela bokis daunbilo tru long namba 9 kolom bikos i gat wanpela namba 3 insait long dispela 3 x 3 bokis eria tu. Olsem na dispela namba 3 i mas go long namba 2 o 3 bokis bilong namba 9 kolom.

Laspela sain nau i stap insait long namba 2 lain bilong piksa na em i gat wanpela namba 3 pinis long en. Loa bilong pilai i tambu long wanpela namba i kamap tupela taim insait long wanpela lain, olsem na i gat wanpela bokis tasol nau i stap long dispela namba 3 i go insait — em namba 3 bokis bilong namba 9 kolom.

Bihainim dispela stail na wankain tingting na rausim i nap ol pasel bokis i pulap olgeta. Sapos yu laik save moa long insait bilong dispela pilai, yu ken go long webait long penny-dellpuzzles.com.

EXAMPLE

	7	9				1
2	3	8			6	7
	6		2	7		
7	8	5				
5	2	6		3		
		1		9	5	
		6	3	8		
8	4			9	2	1
2				1	3	

EXAMPLE SOLUTION

8	4	7	9	6	3	5	2	1
1	2	3	8	4	5	6	7	9
5	9	6	1	2	7	4	8	3
9	7	8	3	5	4	1	6	2
4	5	1	2	9	6	7	3	8
6	3	2	7	1	8	9	5	4
7	1	9	6	3	2	8	4	5
3	8	4	5	7	9	2	1	6
2	6	5	4	8	1	3	9	7

Ansa bilong las wik SUDOKU 20

1	2	5	3	7	6	4	8	9
6	4	8	9	1	2	3	5	7
7	3	9	4	5	8	1	2	6
4	6	2	8	9	3	5	7	1
9	1	7	6	2	5	8	3	4
8	5	3	7	4	1	9	6	2
3	7	6	1	8	4	2	9	5
5	9	1	2	3	7	6	4	8
2	8	4	5	6	9	7	1	3

3		2			7			9
	5				6			3
	7	6			9	4		8
8					9	4	2	
			4	8	1			
	4	7	5					6
5			2	3		7	6	
2				4			9	
7			9			5		2

Ansa bilong SUDOKU 21 long neks isu.

EMTV Television Guide

12:00 AM G **EMTV NEWS – Replay**
.....followed by the Australia Network

MANDE NOVEMBA 18, 2013

1:00 AM G **RUGBY LEAGUE WORLD CUP – Qualifying Final - 4**
RUNNER UP B vs. 3RD PLACE A

4:00 AM G **AUSTRALIA NETWORK**
5:00 AM G **JOYCE MEYER – 1053-1**
5:30 AM G **EMTV NEWS REPLAY**
6:00 AM G **TODAY**

09:00 AM **Classroom Broadcast**
9:00am Grade 7 Mathematics
9:50am Grade 7 Science
10:40am Grade 8 Mathematics
11:20am Grade 8 Science
1:00pm Grade 6 Mathematics

1:50pm Grade 6 Science
2:30pm DEPI Program
3:30 PM G **KIDS KONA**
3:30 PM **HI 5 – S7 EP#43/47**
4:00 PM **GOT TO GO Ep#13/20**
4:30 PM **KINGDOM OF PARAMITHI 23/26**
5:00 PM G **THE SHAK S2 EP#5/75**
5:00 PM G **TOTALLY SPIES YR.2 EP#26/26**
5:55 PM G **CRIME STOPPERS**
6:00 PM G **EMTV NATIONAL NEWS**
7:00 pm G **RUGBY LEAGUE WORLD CUP –**
9:00 PM G **COCA-COLA SPORTS SCENE EP.**
9:30 PM G **EMTV NEWS REPLAY**
.....followed by the Australia Network

TUNDE NOVEMBA 19, 2013

5:00 AM **JOYCE MEYER - 1053-2**

5:30 AM G **NATIONAL EMTV NEWS REPLAY**
6:30 AM G **TODAY**
09:00 AM **Classroom Broadcast**
9:00am Grade 7 Mathematics
9:50am Grade 7 Science
10:40am Grade 8 Mathematics
11:20am Grade 8 Science
1:30 – 3:30pm G 2013 – PARLIAMENT SITTING / 2014 BUDGET
3:30 PM G **KIDS KONA**
3:30 PM **HI 5 – S7 EP#44/47**
4:00 PM **GOT TO GO Ep#14/20**
4:30 PM **KINGDOM OF PARAMITHI**
5:00 PM G **THE SHAK Series 2 Ep#6/75**
5:30 PM G **ESCAPE FROM SCORPION**
6:00 PM G **EMTV NATIONAL NEWS**
7:00 PM G **HAUS & HOME Ep#41**
8:00 PM G **BUSINESS PNG – Ep#44**
8:30 PM G **OFF THE MAP – EP#6/13**
9:30 PM G **EMTV NEWS REPLAY**

.....followed by the Australia Network

TRINDE NOVEMBA 20, 2013

5:00 AM G **JOYCE MEYER - 1053-3**
5:30 AM G **EMTV NEWS REPLAY**
6:30 AM G **TODAY**
09:00 AM **Classroom Broadcast**
9:00am Grade 7 Mathematics
9:50am Grade 7 Science
10:40am Grade 8 Mathematics
11:20am Grade 8 Science
1:00pm Grade 6 Mathematics
1:50pm Grade 6 Science
2:30pm DEPI Program
3:30 PM G **KIDS KONA**
3:30 PM **HI 5 – S7 EP#45/47**

4:00 PM **GOT TO GO Ep#15/20**
4:30 PM **KINGDOM OF PARAMITHI 25/26**
5:00 PM G **THE SHAK Series 2 Ep#7/75**
5:30 PM G **TRICKY TV S3 – Ep#8/20**
5:57 PM G **CRIME STOPPERS**
6:00 PM G **EMTV NATIONAL NEWS**
7:00 AM PGR **FACT FILES – Ep#45**
8:00 PM G **OUR PORT MORESBY EP#4**
8:30 PM G **TOK PIKSA Ep#44 – Repeat.....**
9:00 PM M **ARROW – EP#20 Home Invasion**
10:00 PM G **NEWS REPLAY**
.....followed by the Australia Network

Ol Progam na Kilok i ken tenis oltaim...

Wiken poto



SAINIM: PNG i mekimol wok redi long 2015 SautPasifik Gem baikamap long kantri. Long laswikFonde, GavmanHaus i bin lukimsainimbilongwanpelabikpelakontrakwantaimmanimak long K119, 336,668.00 we gavman i givim long Fletcher MorobeKonstraksenkampani. Poto i soimtupelabikmanbi-longFletcher Morobe, Chandan Kumar naLebis Mathias i sainim moa long K119 milienkontrak long mekimol wok long Sir John Guise StediumtaimGavanaJenerel, Sir Michael Ogio i lukluk i stap. **Poto: GavanaJenerelMidia**



PREN WANTAIM: Bikman i makim Federel Ripablik bilong kantri Nigeria long PNG, Hai Komisina Ayoola Lawrence Olukanni i bin kam long PNG tupela wik i go pinis na em bin go lukim Gavana Jenerel, Sir Michael Ogio long Gavman Haus. Hia em i givim pas long soimpren pasin i go long Sir Michael. **Poto Gavman Haus**



TALAPIA: Talapia pis i no asples pis bilong PNG, nogat. Ol i kisim long ausait i kam na nau em i stap long planti hap bilong PNG. Em i gat gutpela na nogut bilong em. Gutpela em i helpim pipel long sait bilong abus na rot long kisim mani bikos ol i lukautim long ol liklik pis fam na i kamap planti. Nogut bilong em em i save kilim ol asples pis. Hia ol meri bilong ples Veiru, Kikori eria long Galp Provsins i salim ol pres na naispela talapi long Kikori maket. **Poto: Dokta Arthur Georges, Kenbera, Australia**

Raun wantaim Kanage olgeta wik

'Who bel yu?'

WANPELA meri Yauro i go stap long Australia i go na kam bek long ples bilong em. Taim em i kam bek long ples, em i gat bel. Em nau ol bik man long ples i bung na sindaun toktok long painim aut husat i givim em bel. Taim ol bikman i askim meri yah, em i no toktok. Long wanem meri yah i no save long tok ples na tok pisin, em save long tok inglis tasol. Ol i askim i go nogat na Kanage i kirap na askim meri ya olsem, "Who bel yu?" Taim ol bikman i harim Kanage i tok olsem, ol i holim pasim bel bilong ol na sindaun i stap. Mekim na meri Yauro ya sem pipia stret.

Gwen Toroks MADANG

Yu laki man yu maritim mi

KANAGE tokim liklik pikinini bilong em long go baim mutrus bilong em na pikinini tok em i les. Em nau Kanage belhat na kirap paitim em. Meri bilong Kanage harim pikinini krai na em i siksti kam ausait long haus na askim Kan-



age. "Kela bun bun, yu paitim nating pikinini long wanem?" Kanage kirap na tokim meri bilong em olsem. "Mama yu noken askim mi dispela kwesten, samting mi wok hat na dispela pikinini kamap, olsem na sapos em i bikhet, mi gat olgeta rait long paitim na skulim em." Em nau meri bilong em kros na kirap tokim em. "Dispela wok bilong wok hat na kamapim ol pikinini yu save tumas. Tasol long wokabout i go na baim mutrus yu pilim skin les." Meri bilong em i tok olsem na mekim Kanage i belhat na kros nogut tru, na i kirap tokim meri bilong em. "Gutpela tru na yu kam maritim mi, na yu stap gut olsem na yu hambak. Ating sapos papa antap i no wokim mi, bai yu painim man i go nogat na bai yu go

poromanim wanpela dok man na karim dispela yau pas pikinini ol i save kolim hapkas dok na sipsip.

Friedson Kipas BULOLO, LAE.

I no rai, em rei

KANAGE i bilong ples Butibam long Lae Siti, na em i maritim wanpela meri. Okapa na ol stap long ples bilong meri bilong em longpela taim tru. Wanpela taim tupela i kalap long PMV bas na i laik go long Lae. Bas i go kamap long Makam veli na meri bilong Kanage i askim em, "Ngan bron mi, yu ting orsem wanem Rai i kam krostu pinis o nogat?" Kanage bekim na tok, "yu kolim gut, i no Rai-Rei." Ol narapela pasindia long bas harim olsem na kirap tokim Kanage, yu tu kolim gut, i no Reinem bilong ples em Lae." Kanage harim olsem na spet long windo bilong glas.

Norbert Berere Stoneth MADANG

Ol skwat! Teksim ol gutpela Kanage tok pilai i kam long:

Txt: 72356149

Mi wari tru long gelpern bilong mi

Dia Laipain,

MI GAT 18 krismas na mi wokim Gret 11 i stap. Mi kam long wanpela gutpela famili. Mi namba tu long famili na mi gat 4-pela brata na susa.

Mi gat wanpela gelpren i wokim Gret 12 long narapela skul. Em i kam long famili i gat hevi we marit i bruk, tasol pasin bilong em i gutpela na em yet tu i wanpela kum katim meri. Mipela i bin stat long poroman taim mipela i stap long Gret 6 yet. Ol papamama bilong mitupela i save long prensip bilong mipela na bikos long mitupela, ol i kamap ol gutpela poroman.

Stat long dispela yia, gelpren ya i wok long abrusim mi. Taim mi ringim em, em i save putim mi long voisemil o larim fon i ring i go tasol. Nau mi painimaut olsem em i senisim fon namba bilong em.

Mi wari tru nau ya. Mi no inap stadi gut bikos tingting bilong mi i no stap stret. Papamama bilong mi i lukim dispela na ol i wok long enkarijim o givim ol gutpela sapot toktok long mi tasol dispela i no helpim mi liklik.

Plis Laipain, helpim mi!

BROKEN HEARTED

Dia Pren,

Tenkyu long yu yet i laik kisim helpim long stretim hevi yu gat long em na rait i kam long Laipain long kisim helpim.

Yu gat wari long prensip bilong yu wantaim meri bikos yutupela i bin save long yupela long Gret 6 yet. Nau yu stap long Gret 11. Gelpren bilong yu i no toktok long yu na i wok long abrusim yu, maski yu traime bes long toktok long em. Na em i senisim telepon namba bilong em tu.

Papamama i bin save long prensip bilong yutupela. Na bikos long dispela wari yu gat long en, tingting bilong yu i no stap long skul wok. Papamama i luksave long wari na ol i laik sapotim yu, tasol yu no amamas wantaim sapot ol i givim.

Pren, mipela i save olsem yu no stap gut bikos yu no inap long lukim o toktok long lewa stret bilong yu. Tasol mipela i laik tok olsem ol pilings na wari yu gat long em nau em planti ol yangpela i gat long em. Mipela i save kisim ol wankain



pas olsem long planti ol yangpela long olgeta hap bilong kantri.

Mipela i wok long tingting olsem wanem na ol tokstia we papamama i givim long yu. Planti papamama i laikim ol pikinini bilong ol na ol i laikim bai ol i gat gutpela laip long bihain taim. I moabeta long yu painim taim long sindaun wantaim ol na harim ol wantaim ol stia-tok bilong ol. Kain hevi we yu wok long bungim nau, em ol i save long en na ol yet tu i mas bungim sampela long ol pinis. Olsem na mipela i bilip planti yia ol i gat na ol eksperiens long prensip na marit i ken helpim yu.

Pren, i gat planti as tingting long pipel i mekim ol samting ol i mekim long en. I mas gat as tingting na gelpren bilong yu i no laik toktok long yu. i moabeta long yu tu i painim taim long sindaun isi na glasim prensip bilong yutupela na tingting long rot we yutupela i ken toktok wantaim em. Sapos em i skul yet, ating em i mas luksave olsem em i lusim bikpela taim long prensip bilong yutupela na em i no tingting tumas long mekim ol skul wok bilong em. Na dispela i stopim em long gol bilong em o wanem samting em i laik mekim long bihain taim. Na yu yet pren i olsem wanem? Yu ting olsem wari tumas long gelpren bilong yu bai helpim yu inapim ol gol bilong yu long edukesen?

Mipela i laikim bai yu lukluk na tingting gut long dispela tripla wod. Em long laik pasin, laik long slip wantaim narapela na strongpela sotpela taim laik pasin. Lukluk long mining bilong ol na skelim wantaim ol as tingting bilong yu long pren pasin wantaim gelpren bilong yu. Yu gat trupela laik pasin? Em i orait long gat gelpren tasol yu mas kontrolim lewa bilong yu na i no mekim ol samting o no stret taim yu stap olsem yangpela i stap yet long skul.

Papamama bilong yu i tromoim

bikpela mani long skul bilong yu na mipela i bilip olsem ol i laikim yu long skul gut, pinisim gut skul na kisim wok. Olsem mipela i tok pinis, mipela i bilip olsem God i gat plen long taim na as long ol samting i kamap long laip bilong yumi. Na em i mekim i kamap bikos long gutpela bilong wan wan man. Long dispela taim yu no lukim gelpren bilong yu, em i gutpela taim long glasim na skelim ol as tingting na rot we yu wok long go long em taim yu na gelpren i wok long strongim prensip bilong yutupela.

God i laikim yu na i laikim bai yu gat gutpela laip na mipela i bilip olsem wankain tu long ol papamama bilong yu. Mipela i enkarijim yu long bilip long God na em bai soim yu gutpela rot. Ritim buk bilong Proverbs 3:5&6. Na yu kisim sapot long ol papamama bilong yu o sios pasto o kaunseling ogenaisesen klostu long yu.

Planti yut i no wokim gut na ol i drop aut long skul bikos ol i no mekim samting stret long skul gut. Na nau ol i no mekim wanpela gutpela samting we bai helpim ol long gutpela bihain taim bilong ol, tasol ol i wokim ol bikhet pasin i stap long ol famili na komyuniti bilong ol. Dispela em bikos ol i no laik harim gut stia-tok bilong papamama ol skul. Planti i wok long kamap birua wantaim ol papamama na ol famili, loa na ol i go long kalabus. Yu laik kamap olsem?

Pren, sapos yu laikim moa helpim, go long ol lain mipela i givim nem antap pinis na tu, yu ken wokim apoinmen long kam lukim mipela taim yu gat taim.

Pren bilong yu Laipain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain

Westpac luksave long wok bilong ol meri

PRESIDEN bilong PNG Wimen in Egrikalsa na wina bilong Westpac Outstanding Wimen bilong Yia Awod, Maria Linimbi i tok em bai strongim yet wok bilong ol meri long egrikalsa insait long kantri.

Maria Linimbi gat bikpela luksave long wok bilong em wantaim developmen patna, fama, Nesanel Egrikalsa Rises Institut long bildim kepesiti bilong ol meri fama long ol i mas save long fud sekuriti na ol nupela teknoloji. Maria i bin kisim bikpela luksave long wok bilong em long kantri na tu long ovasis.

Long 2013 em i bin winim awod bilong Westpac bihain long em i winim Trukai Komyuniti Responsibiliti Awod long promotim wok bilong ol meri long wok egrikalsa.

Maria em i wanpela bisnis meri na em wok long developim fam wantaim man bilong em nau long Makam Veli. Em i statim prodaksen long mekim ol samting olsem mediketed sop.

Long Oktoba 16 long Awod bilong Westpac Outstanding meri, Maria i tok tenkyu long Westpac long luksave long wok bilong em long egrikalsa. Em i saslensim ol meri lon

wok strong meri na mekim gutpela disisen long laip bilong ol na wok strong long bisnis na kamapim mani na bilong ol yet.

Jenerel Menesa bilong Westpac Pasifik, Greg Pawson i tok ol meri i gat bikpela sans na bikpela rot op i stap long ikonomi bilong kantri na taim ol i wokstrong kantri bai gro.

Mista Pawson i tok i gat planti rot i stap long helpim ol meri long mekim bisnis na helpim kantri long gro. Em i tok ol meri i mas gat strong-pela tingting na wok na wok strong long groim bisnis na sapotim laip bilong famili.



Maria Linimbi (L) na Westpac Pasifik Jenerel Menesas Greg Pawson.

Laki wina bilong Pauls Milk

PARMALAT Australia, kampani husat i save wokim susu, Pauls Milk, i givim K20,000 long tupela kastoma bilong Kes Givawe Promosen bilong ol, long las wik Mande.

Wan wan wina i kisim i kisim K10,000 mani. Dispela wina promosen i bin stat long Oktoba 4 na pinis long No-

vemba 5, long ol lain long Mosbi na Lae tasol.

Promosen em i bilong ol kastoma i baim Pauls Milk na putim nem bilong ol long bokis insait long ol stua. i bin gat ol narapela amamas prais long ol narapela lain husat i bin putim nem tu. Ol prais em ol ragbi na soka bal. Parmalat Australia em

mama kampani bilong Pauls Milk na ol narapela samting bilong kaikai ol i wokim long susu bilong kau. Em i save salim ol susu samting long PNG long moa long 40 kismas nau.

Ol Media Patna i salim lain bilong ol long pulim nem bilong ol wina long ai bilong polis.



Meri makim Media Partners i kisim nem bilong ol wina lain ai bilong Konstabel Peter Tedor.

K5 milien kakao projek bilong Yangoru

Stanley Nondol i raitim

MINISTA bilong Tred Komes na Industri, Richard Maru i tok Gavman i yusim planti mani long stapim Kakao Pod Bora i bagaraapim ol diwai kakao, tasol prodaksen bilong kakao i no go antap.

Mista Maru i mekim dispela toktok long taim bilong tokaut long K5 milien kakao projek long ples Miaboru long Yangoru long Is Sepik provins.

PNG Kakao Bod i sainim agrimen bilong kirapim wok (MOA) wantaim siaman bilong Join Distrik Plening na Baset Praioriti Komiti siaman Richard Maru.

Aninit long dispela MOA, PNG Kakao Bod bai givim teknikel na menesmen sapot na wok klostu wantaim distrik long sapotim dispela kakao projek. Dispela i makim wanpela bikpela na piksa projek

long distrik.

Mista Maru i tok putim mani long stapim Kakao Pod Bora em i no gutpela tumas bikos gavman i yusim planti mani na westim bikpela taim.

Moa long 1000, hekta bilong graun long Wingei long Wes Yangoru LLG em ol seveya i makim long planim 990,000 sid bilong kakao long statim dispela projek.

Minista i tok dispela projek bai surik i go tu long olgeta ples bilong Yangoru Saussia distrik long planti nupela kakao we bai no gat binatang i bagarapim.

Aninit long dispela MOA, Yangoru Saussia distrik bai planim 6 milien kakao long tupela yia.

Mista Maru i tok dispela projek bai kamapim 6 milien kakao sid, 1 milien bai ol i planim long projek eria long Wingei na narapela 6 milien bai ol i givim long ol ples long distrik.

Minista Maru i tok tupela samting bai kamap long dispela projek; em long planim kakao na mekim bikpela wok bilong faming long apim namba bilong kakao.

Minista Maru i tokim ol pipel bilong em long go insait long intensive faming taim projek i stat.

Minista Maru i tok lo na oda em i wanpela bikpela hevi na em i singaut long ol pipel bilong em long lukautim ol wokman bilong Kakao Bod na lukautim ol samting na risos bilong distrik.

Wankain taim Minista bilong Egrikalsa na Laipstok Tommy Tomscoll i tok kakao prodaksen long kantri i pulim K300 milien long wan wan yia i kam insait long kantri long ekspot levi.

Mista Tomscoll i tok Is Sepik i save kamapim K111 milien na Yangoru i kamapim K21 milien long wan wan yia long ekspot levi.

Stret Pasin bisnis bai stat long 2014

Aksie Akibiang i raitim

NESENEL Developmen Benk (NDB) i amamas long tokaut long pablik olsem ol i gat wanpela nupela han ol i kolim NDB Invesmen Limited (NDBIL). NDB i putim K5 milien long statim wok long dispela kampani long mun Me long dispela yia.

Ekting Mesening Dairekta bilong NDB, Moses Liu i siaman na Desmond Yaninen i ekting sif eksekutiv opisa bilong NDBIL. Mista Yaninen i bin wok wantaim NDB long eitpela (8) yia long sampela bikpela posisen. Em i gat save long Fainens, Menesmen na Akaunting na em i memba bilong CPAPNG na PNG Institut ov Dairektas.

Mista Liu na Mista Yani-

nen i tokim ol nius ripota long wanpela pres konpresen long las wik olsem NDBIL bai go pas long dispela projek, Stret Pasin Bisnis Skim (SPB). NDB i putim pinis mani mak olsem K5 milien bilong ol lain husat i winim ol kondisen NDBIL i putim long kisim dinau mani na ranim bisnis.

NDB i bin kisim moa long 4,000 eplikesen long ol man husat i gat laik long wok bisnis aninit long Stret Pasin Bisnis Skim. Tasol NDBIL i makim 250 nem long stat pastaim. Dispela ol nem em 50 bilong wan wan rijon na 50 long NCD bai go insait long sampela trening. Na ol lain i pas long kos bai kisim dinau mani long wok bisnis insait long Stret Pasin Bisnis Skim.

Long wankain taim bai

NDBIL i painim ol frensais kampani husat i gat save long ranim ol bisnis olsem haus kai, stua o restauren long wok wantaim ol lain bilong yumi em NDBIL bai makim bihain long ol i pas long ol tes na trening NDBIL i putim. Olgeta 250 man NDBIL i makim i mas stap insait long ol mak bilong ronim bisnis, na i gat gutpela rekot wantaim ol fainens kampani. Ol man i pas long dispela tes, bai go insait long neks step em long rait tes na ol i mas pas. Faiv pesen bilong ol lain i wokim tes na kisim gutpela mak bai go insait long trening wantaim ol frensais kampani na ranim bisnis inap 5-pela kismas na bai NDBIL na frensais kampani bai givim bisnis i go long ol man long mesesim bilong ol yet.



(Lephan) Moses Liu, ekting manesing dairekta, NDB and Siaman bilong NDBIL, Desmond Yaninen.

Ol laki wina bilong Air Niugini

Meri long Nu Ailan kamapim

Asosiesen

LONG amamasim 40 yia bilong Air Niugini long wok insait long Papua Niugini, Air Niugini i bin mekim wanpela promosen long givim sans long ol kastoma bilong Air Niugini long winim wanpela fri balus tiket long go long wanem hap ol i laik go long en.

Dispela promosen i bin kamap long mun Oktoba, na insait long dispela mun i bin gat 220, 093 manmeri husat i kalap long Air Niugini. Tasol namel long olgeta, i bin gat tenpela laki wina tasol.

Long kisim prais bilong ol, ol dispela tenpela wina bai ringim Kerry Vavine bilong Air Niugini na i mas karim ID bilong ol taim ol i go kisim prais bilong ol.

Dispela tenpela manmeri em Steven Mulungu, Lowald Renikam, Paul Pora, Lyanne Tibu, Mr Yahmin, Montree Chinnansa, Robert Aup, Harold Kereama, Steven Pill and Paul Laore.

Komesel Jenerel Menesa bilong Air Niugini, Dominic Kaumu i tok olsem nau em i sans bilong ol manmeri insait long kantri long amamas wantaim Air Niugini long wanem balus tiket bai kam daun long 40 pesen. Em i tok bai gat wanpela narapela dro tu bipo long Nu Yia na ol pipel bai gat planti sans long winim ol prais i kam long Air Niugini.

NU Ailan Meri long Bisnis Asosiesen i gat bikpela amamas long taim, asosiesen bilong ol, i kamap namba wan meri asosiesen long rejista wantaim invesmen Promosen Atoriti.

Bisnis meri na Presiden, Getruth Merebo i tok ol meri i amamas tru olsem ol i gat asosiesen bilong ol yet na ol i tok tenkyu long Nesenel Developmen Benk Meri long Bisnis Des long givim ol tingting long kamapim dispela asosiesen.

Misis Merebo i tok, bihain long ol meri i bin go long NDB Meri long Bisnis Samit long Pot Mosbi long las yia, ol i go bek long Nu Ailan wantaim wanpela tingting tasol long kamapim asosiesen bilong ol yet. Dispela asosiesen bai helpim ol long autim ol wari na ol hevi bilong i save bungim ol bisnis bilong ol na long painim rot bilong stretim. Em bai helpim long developim bisnis sekta long Nu Ailan.

Asosiesen i kamap olsem ples bilong bung long ol meri i gat liklik na namel sais bisnis long kam na save long ol yet, autim ol tingting bilong ol na helpim kisim helpim long ol narapela meri.

"I gat 65 memba husat i gat liklik na namel sais bisnis nau i stap na nau bihain long lonsim, planti moa meri i tok-save olsem ol tu i laik kamap memba long Asosiesen. Em i mekim ol het meri bilong asosiesen i kirap nogut na amamas," Misis Merebo i tok.

NDB Meri long Bisnis Relesensip Menesa, Janet Kaule i givim Setifiket bilong Asosiesen long ol meri insait long wanpela seremoni long Kavieng taun. Em i givim luksave long ol meri Nu Ailan long ol i kalapim pinis wanpela bikpela rot blok long kamap namba wan asosiesen long rejista olsem long IPA.

Em strongim ol meri husat i no memba nau long ol i mas baim membasip bilong ol na bai ol i ken kisim ol gutpela samting bai kamap long dispela asosiesen. Long narapela yia em bai lonsim wanpela klap bilong ol Meri na ol meri Nu Ailan bai gat sans gen long kamap namba wan long memba. Ol bai gat planti gutpela samting na presen i kam long dispela.

Misis Kaule i tok strong long ol meri long Nu Ailan long kisim ol dinau mani long NDB em i gat liklik winmani tasol 6.5 pesen. Em i tok long taim dispela des bilong ol meri i bin kamap long yia 2010, K40 milien i bin go aut pinis long dinau mani i go long ol meri. Tasol ol meri long Nu Ailan i kisim K560, 000 tasol insait long dispela tripela yia. Olsem na ol meri i mas yusim dispela dinau mani em i kam long mekpas bilong Stata na Groa bilong ol meri stret.

NDB Meri long Bisnis des em i stap long helpim olgeta meri long PNG, olsem na ol i ken go long brens bilong benk long olgeta hap na askim long dinau mani bilong mekim bisnis.



NDB Meri long Bisnis Menesa, Janet Kaule i givim Asosiesen Setifiket i go long Nu Ailan Meri long Bisnis Presiden, Getruth Merebo.

Yes Yah ol Ridas bilong Wantok Niuspepa!

Painim Bal Resis i stat nau na bai yu gat sans long winim ol Promosen klos bilong Wantok Niuspepa! Resis i stap long pepa tude na traim laki bilong yu nau! Hariap, nogut ol klos i pinis!!

Painim Bal Resis

Putim X insait long bokis yu ting bal i stap long en..

Eksampol: CS, long namel. Toksim i kam na traim laki bilong yu.

Baim Wantok Niuspepa olgeta wik na traim sans bilong yu!!

Wanpela wina tasol long olgeta wik!

Bai yu gat sans tru long winim ol klos bilong Wantok Niuspepa...

Resis bai stap inap long Disemba 2013

na kam long 7235 6149 na adres bilong yu fu... Sans

Teks tasol i kam long 7235 6149 wantaim ansa bilong yu na nem na adres bilong yu. Em isi tru!!!

Wanpela wina tasol long wan wan wik...

WANTOK NIUSPEPA KRISMAS PROMOSEN WINAS BILONG DISPELA WIK

1. RITEL STUA

- JMART SUPERMARKET – ERIMA
- STOP N SHOP SUPERMARKET – NORTH WAIGANI

2. STRIT SALE AGENT

- GIDION NATHAN – KAVIENG
- MARUM MUGUA - TABUBIL

RABAUL TO CAIRNS getaways

PALM ROYALE CAIRNS	HIDES HOTEL CAIRNS	IRIS STYLES CAIRNS COLONIAL CLUB	CAIRNS PLAZA HOTEL	CORAL TREE INN
K1879*	K1919*	K1945*	K2185*	K2190*
PER PERSON	PER PERSON	PER PERSON	PER PERSON	PER PERSON

PACKAGE INCLUSIONS:

- Return air fares RAB/CNS/RAB ➢ 3 nights* twin share accommodation
- Return airport transfers by Sun Palm Coaches ➢ All taxes & surcharges.

Call toll free on **180 3444** or visit your nearest Air Niugini Travel Centre or Travel Agent for further details.

*Packages are subject to availability and change due to currency fluctuations. Packages are valid until 31st of March 2014. Conditions apply.





Ol yangpela lokal wokman save nau long Ramu Nickel Projek

KAM bilong Ramu Nickel Projek long Madang provins i kamapim planti kain kain nupela senis na tu bringim nupela teknologi stret long Projek eria long Usino-Bundi na Raikos distrik.

Long PNG em wankain stori tu bikos Ramu Projek em namba wan nikel Projek, we kampani i kamautim na kisim nupela mineral long graun we pastaim no gat kampani i wokim olsem bipo.

Kam bilong Ramu Nickel Projek givim gutpela sans tru long planti ol lokal manmeri long wok na kisim pe long sapotim sindaun bilong ol yet wantaim famili bilong ol long ples na hauslain. Sampela i ken tok olsem Ramu Nickel Projek i bringim lait i kam long tarangu ol manmeri we sevis i no go long ol bipo.

Narapela bikpela samting tu em Projek i givim sans long ol lokal lain long lainim sampela nupela samting o teknologi em ol i no bin skul long en na lainim bipo.

Long taim bilong konstraksen bilong Projek i kam inap tude, prodaksen i kamap Projek i kisim ol wokman meri long ol wan wan eria bilong en long wok. Ol dispela lokal wokman meri i wok yet na lainim planti ol nupela samting we bipo ol i no bin lainim.

Sampela yangpela bilong Usino-Bundi we KBK Main nau i stap long en i no bin wok pastaim. Tasol taim Projek i kamap long eria bilong ol, em i givim ol gutpela sans tru long go wok na lainim planti samting long wok.

Maski olsem planti ol lokal haia o lain wokman em kampani i kisim long ol klen na ol haus lain klostu long Projek, ol dispela lain i givim taim bilong ol long wok long sapotim Projek we i bringim senis na developmen long laipstail bilong ol pipel.

Antap long naispela kol ples bilong Kurumbukari maunten, Ramu NiCo i gat nikel/kobalt main bilong en i stap.

Dispela KBK Main i gat tripela bikpela eria o seksen bilong en we ol wokman i save wok long stretim ol graun nikel pastaim long em i ron bihainim 135 kilomita slari paipain i go long Basamuk Rifaineri.

Long Kromait Seperesen Plent i gat sampela ol yangpela man i save wok na ol dispela lain i save sekim ol wara we i seperetim nikel/kobalt na larim kromait i go.

Dispela ol wok ol yangpela man ya long KBK i wokim em nupela kain wok stret, we ating no gat planti lain long PNG i save.

Planti ol samting em nupela teknologi we Ramu NiCo i bringim i kam insait long katri long wok bilong nikel/kobalt maining indastri.

Tru tumas ol dispela yangpela man i wok yet na lainim planti nupela samting. Ol i kamap olsem namba wan lain tru long PNG long save long sampela samting long teknologi bilong nikel/kobalt maining.

Lokal asisten opereta long Kromait Seperesen Plent, Jerry Kongia i tokaut olsem em i lainim planti nupela samting we em i no bin skul long en bipo.

"Planti nupela samting mi lainim long ples

bilong wok em mi no bin skul long en bipo," Jerry i tok.

Jerry i tok tru bikos planti ol teknologi ol lokal wokman long KBK i wok wantaim em nupela samting tru we no gat arapela maining long kantri i gat long en. Dispela em bikos nikel/kobalt em nupela mineral long PNG, na ating ol dispela stail mangi bilong KBK i mekim histori olsem ol namba wan o fes jeneresen save lain long nikel/kobalt teknologi.

Bikpela samting tu em wok ol lain lokal asisten opereta long KBK i mekim i givim ol gutpela save na tu referens long ol i ken kisim wok long arapela nikel/kobalt maining projek i kamap long PNG long bihain taim.

Wanpela lokal wokman i wok long KBK Mobail mentenens woksop.

Jerry wantaim wanwok long bol-mil eria long KBK Kromait seperesen plent.



Ol 3-pela asisten opereta bilong Benefisiesen Plent.

Ol asisten opereta long Kromait Seperesen Plent.

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nickel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komuniti'



Traim kakao long Hailans ...I gro long Karimui

Brad Venter, SIL i raitim

TAIM i senis nau na ol samting i no save gro long hailans rijon inap nau. Wanpela long ol em kakao.

I kam inap nau, kakao em i bikpela krop ol nambis na ol sampela bikples provins long kantri i save kisim mani long en.

Tasol dispela stori na ol piksa i soim olsem nau kakao i ken gro long hailans rijon.

Ol ripot i soim olsem bi-hain ol i traime long sampela yia long groim kakao long kolpela hailans rijon, em i gro.

Dispela em bikos klaimet i senis na i mekim graun na ples long hailans i senis. Na sampela diwai na ol gaden kaikai bilong nambis hap tasol i ken gro long maunten kol ples nau. Karimui kakao projek i wanpela pilot projek i traime groim kakao long hailans rijon.

Namba wan kakao ol i groim aninit long projek em ol i bin katim, draim na pulapim 9-pela kakao bek bin. Na Misineri Eviesen Felosip (MAF) balus i kisim i go long Goroka long salim.

Ripot bilong Brad Venter bilong MAF i tok ol pipel bilong Karimui i bin amamas long salim ol namba wan bek kakao.

“Ol pipel bilong Karimui i bin amamas taim ol i wet long ples balus long mipela i karim 9-pela bek kakao bilong ol i go long Goroka.

“Dispela em ol namba wan kakao ol i groim long hailans rijon. Ol bin yusim olpela rot long draim, tasol nau mipela i karim ol nupela kakao draia bai helpim ol long mekim wok isi na ol i ken kamapim moa kakao long salim,” Mista Venter i tok.

Em i tok nau prais bilong kopi, bikpela kbisnis bilong ol pipel long hailans rijon i pundaun. Na pipel i kisim taim nogut bikos dispela em i rot ol i save kisim mani long en.

Olsem na ol i traime ol narapela rot. Na sapos kakao i wok long hailans, em bai helpim ol.

I no gat rot, MAF i wanpela rot tasol ol pipel long Karimui i yusim long kisim ol bisnis bilong ol long ol maket na salim.

MAF i bilip olsem em bai helpim ol pipel long salim moa kakao i go long maket long Goroka.

KAKAO DRAIA: Wet long putim ol kakao draia long MAF balus.



OL BEK KAKAO: Ol pipel bilong Karimui, Isten Hailans i wetim balus long putim ol bek kakao i go long salim.



KARIM BEK LONG BALUS: Wanpela man i karim bek kakao i go long balus. *Ol Poto: Brad Venter*

Kopretiv sosaiti bai helpim ol kakao fama

Mathew Yakai i raitim

STRONGPELA toktok i go long ol kakao fama long Basamuk eria, Rai Kos long Madang Provins long kamapim ol kopretiv Sosaiti na ol i ken kisim ol sampela gutpela helpim gavman i givim long skruim sans bilong ol long go insait long ol liklik bisnis.

PNG Kakao na Kokonas Institut Limited (PNGCCI) na Ramu Nico Komyuniti Afeas

Dipatmen i wokim dispela toktok las long 13 kakao fama long Wod 30 na 31 kaunsal eria long Sumkar Distrik, Madang. PNGCCI na Ramu NiCo i kamapim wanpela join pablik praivet pat-nasip program long wok long dispela eria na helpim pipel.

Kasnok Sulu em Distrik Liesen na Fasiliti OPisa wantaim PNGCCI i lukautimj Sumkar Distrik, i tok ol fama long Basamuk i gat hevi long sait bilong trenspot long kisim ol prodak bilong ol i go

long maket.

Na sapos ol i fomim ol kamapim wanpela kopretiv sosaiti we i gat luksave, ol bai kisim gutpela helpim.

“Gavman i putim freit na prais subsidi na i gat mani long helpim ol fama i trenspotim kakao long Basamuk i go long Madang.

(Gavman subsidi i min olsem gavman i baim hap mani long trenspot na ol fama bai baim hap tasol.)

“Nau long wanwan drai bin kakao bek i go long Madang

long dingi o motobot, yupela i baim K50. Tasol wantaim freit subsidi, Kakao Bot i baim trenspot kos na bai yupela kisim mani long salim kakao”, Mista Sulu i bin tokim ol fama. Tasol em i bin tokim ol olsem ol i ken kisim dispela freit na prais subsidi sapos ol i gat kopretiv sosaiti.

Ol fama i wanbel na ol i makim pinis ol lain bai go pas long ol long sanapim wanpela kopretiv sosaiti bilong ol.

2014 em yia bilong rurel developmen long Bogenvil

ASKIM i go long gavman bilong Bogenvil long gutpela sapot long ol pipel long ples long strongim wok egrikalsa bikos em bai lukautim ol.

Ekting Edministretiv Sif Edministreta bilong Bogenvil, Chris Siriosi, i wokim dispela toktok long ol distrik edministreta na eksekutiv opisa bilong Bogenvil edministresen insait long wanpela bung bilong ol long Buka las wik.

Mista Siriosi i tok long 2014, gavman long Bogenvil bai strongim wok long developim ol rurel eria.

Em I tok 2014 em yia bai Bogenvil i lukluk long rurel developmen.

Em i tokim ol dispela opisa olsem ol i mas wok wantaim ol komyuniti long ples long olgeta hap bilong Bogenvil.

“Yumi mas givim sans

long pipel long mekim wok long kisim mani, na no ken wetim helpim i kam long gavman tasol. Wanpela rot tasol edministresen i ken mekim em long wok wantaim pipel long ol progrem gavman i gat,” Mista Siriosi i tok.

Em i tok ol sampela developmen sans em, groim kakao, sanapim ol pig fam, kakaruk projek, painap na rais projek.

“Bikpela samting em yumi mas givim ol sans long mekim samting na kisim mani long lukautim ol, na kamapim gutpela sindaun,” Mista Siriosi i tok.

Mista Siriosi i bin strongim ol eksekutiv bilong Bogenvil edministresen long lukim olsem gavman bilong Bogenvil i mas strongim wok long sevim ol pipel long ol ples.



Ol kakao fama i bung wantaim Mista Sulu long han sut. *Poto Mathew Yakai*

Kriket apim nem bilong PNG

Isaac Liri i raitim

OL Kumul i bin brukim lewa bilong ol PNG manmeri taim ol i no winim olgeta gem bilong ol long Ragbi Lig Wol Kap long dispela yia, tasol long bekim ol dispela wari, ol mangi bilong yumi long Kriket, ol Baramandi, i pilai gut tru na i wok long winim planti gem bilong ol long World T20 Qualifier long Dubai.

Dispela em i givim ol bikipela sans long ol i ken mekim namba wan pilai bilong ol long Kriket T20 Wol Kap. Na dispela bai i mekim ol manmeri bilong Papua Niugini i amamas taim ol i lukim olsem Papua Niugini i gat wanpela tim insait long T20 Kriket Wol Kap.

Kriket em i wanpela spot we ol manmeri i save pilai insait long Papua Niugini long bipo yet i kam inap nau, tasol em i no bikipela tumas olsem ragbi lig.

Planti manmeri insait long PNG i save kolim Hanuabada olsem ples bilong kriket insait long PNG, long wanem planti pilaia i save kam long dispela ples. Tasol nau, dispela spot i wok long develop na kamap bikipela long ol arapela ples tu insait long kantri.

Jenerel Menesa na tu bipo kriket pilaia bilong Australia, Greg Campbell tok ol i wok long wokim ol developmen program long ol skul na long ol komyuniti insait long kantri long painim ol yangpela husat i gat talen bilong pilai kriket. Long dispela ol i ken mekim kriket i kamap olsem namba wan spot insait long PNG long wanem dispela em driman bilong ol.

Kosa bilong ol Baramandi, Peter Anderson i bin tokim ABC olsem em i gat strongpela tingting olsem PNG i ken kwalifai long go long T20 Wol Kap.

PNG i namba 18 long kriket long wol, na sapos ol i ken go antap na stap insait long top 16, PNG bai gat sans long pilai long T20 Kriket Wol Kap na tu kisim intres bilong ol yangpela insait long kantri long pilai kriket olsem ragbi lig.

Ol yangpela i soim intres long pilai kriket long nambis.

Yangpela mangi i pilai kriket long strit bilong Hanuabada.



Mema bilong PNG kriket i lainim ol pikinini long bowl.



Charles Amini spin bowla bilong ol Baramandi.



Pini na BSP wok bung

NAMBA wan swima bilong PNG Ryan Pini i tok em i redi long 2015 Pasifik Gems, na em i sainim agrimen wantaim ol Bank South Pacific (BSP) long wok bung wantaim ol.

Insait long dispela agrimen, BSP bai givim helpim long Pini taim em i pilai long Pasifik Gems. Na Pini bai helpim ol

BSP long promotim ol program na prodak bilong BSP. Em bai wok wantaim ol narapela spot manmeri bilong PNG long redi gut bipo long Pasifik Gems i stat.

"Mi bai givim trenim long ol yangpela swima, na tu givim sampela gutpela tok skul long ol, na BSP i sponsa long dis-

pela. Mi gat bikpela laik long helpim ol, long wanem ol dispela swima bilong PNG bai karim nem long bihain taim" Pini i tok.

Dispela i namba tu taim long Pini i sainim agrimen wantaim BSP, na dispela agrimen bai pinis long yia 2016.

"Mi amamas long helpim bi-

long BSP long wanem ol i save givim bikpela helpim long ol swima bilong PNG, na tu, ol narapela spots." Pini i tok.

Em i tok BSP em wampela namba wan sponsa bilong 2015 Pasifik Gems na bikpela helpim bilong ol bai lukim PNG i pilai gut long dispela Pasifik Gems.



Ryan Pini na ol yangpela swima i bilas long ol BSP prodak.

Ol Kumul kosa autim wari bilong ol

Isaac Liri i raitim

TIM Kumul i pilai gut na ol i bin traim strong bilong ol long dispela 2013 Wol Kap long Inglan. Ol Kosa bilong Kumul Adrian Lam na Mal Meninga i mekim dispela tok bihain long ol i kam bek.

Tupela kosa i bin tok olsem dispela tim i bin go pilai long Wol Kap i bin wan-

pela tim we i gat ol yangpela pilaia tasol. Em i tok ol i no bin gat planti eksperiens pilaia husat i save pilai long ol bikpela ragbi lig kompetisen bilong wol olsem Nesenel Ragbi Lig na Inglis Supa Lig.

Ol i toktok tu long dispela 5 yia ragbi lig developmen program. Ol i tok olsem ol pilaia bilong ol Kumul i bin stap insait long dispela 5 yia program long 8pela mun tasol, na ol i no pinisim.

"Ol pilaia bilong ol Kumul i save pilai ragbi lig olsem hap taim wok bilong ol na i no ful taim olsem ol pilaia bilong ol narapela kantri. Dispela i mekim ol pilaia bilong ol narapela kantri i strong moa." Mal Meninga i tok.

Long pinisim toktok bilong ol, het kosa Adrian Lam i tok em i amamas long tripela pilaia bilong em long wanem ol bai gat sans long pilai long ol klap long Inglan.

AFLPNG i laikim strongpela tim

AFLPNG i makim 42 pilaia long stap insait long trening skwad bilong go pilai long Melbon Australia long 2014 AFL Intenesenel Kap. Dispela pilai bai i kamap long Ogas 2014.

Ol selekta bilong AFLPNG i bin makim 42 pilaia long ol gem bilong Bank South Pacific (BSP) Kap i bin kamap long Lae long Septemba long dispela yia.

Sampela ol pilaia insait long dispela skwad i gat eksperiens long pilai long Australia, na tu long pilai long ol top kompetisen insait long kantri.

Operesen menesa bilong AFLPNG, Rex Leka i bin kapten bilong ol Moskito long 2008. Em i toktok strong olsem AFLPNG i laik makim wampela strongpela tim na go daun long Australia.

Leka tok ol dispela 42 pilaia insait long trening skwad i no fainel long wanem i gat planti gutpela pilaia i stap yet, na sapos ol i pilai gut, ol selekta bai putim ol long tim.

"PNG gat planti gutpela pilaia tasol ol selekta bai kisim ol fit pilaia tasol husat i redi gut na i gat ol gutpela skil bilong AFL." Leka i tok.

PNG Kriket tim namba tu long 2013 Intanesenel Kriket resis

i kam long ABC Nius

PNG Hebou Barramundi i stap nau long namba tu ples bihain long Nepal.

Ol tim pilaia i malolo liklik nau na ol i no pilai.

Dispela tim i wok long pilai gut tru egensim ol narapela tim long World T20 Qualifiers long Dubai.

Sapos ol i winim dispela T20 pilai long Dubai, bai olsem rot bilong ol long go long namba wan Wol Kap gem bilong ol.

Barramundi bai stap tu long 50 wol kap kwalifaia long Nu Silan long Januəri



2014. Kepten Chris Amini i tok ol i stap nau long Dubai. Em i tok ol i winim pinis foapela

gem egensim, Uganda, Ireland, Kenya na Netherlands, tasol ol i bin lus taim ol i pilai egensim Afganistan.



Divelopim spot insait long ol LLG

TAIM gavman i laik divelopim ol spot insait long ol provins, ol i mas lukluk long stretim ol spot insait long Lokal Level Gavman (LLG) pastaim.

Mi tok olsem long wanem gavman insait long ol provins i gat wan wan divisen na LLG divisen em i wampela impoten divisen insait long ol provins long wanem em i gat liklik namba bilong ol pipel na dispela bai i mekim isi tru long ol Komiti long menesim wok bilong spot.

Nesenel gavman i save givim mani long ediministresen bilong ol provins, na tu i save givim long ol ediministresen bilong ol LLG tu.

Long save bilong mi, mi save olsem ol LLG insait long ol Provins i save kisim K500,000 long wan yia.

Sapos ol lida insait long ol LLG i yusim sampela mani insait long dispela K500,000 long mekim gut ol spot pilai na ol spot fasiliti, ol provins na kantri tu bai lukim planti gutpela senis long spot.

Sapos wampela provins insait long Papua Niugini i gat ol spot program insait long ol LLG, dispela provins bai gat planti gutpela ol spots manmeri na bai pilai gut tru taim ol i pilai long ol nesenel gems olsem PNG Gems.

Opi putim ripot long polis

POLIS komanda long Mosbi Andy Bawa i bin kisim komplemen bilong ragbi lig reperi Guma Opi husat i bin kisim bagarap long Pot Mosbi Ragbi Lig gren fainel namel long Tarangau na Brothers long las mun.

Em i no amamas long pasin ol opisal bilong Tarangau i bin mekim long Mista Opi. Long dispela komplemen, Mista Opi i tok olsem tupela opisal bilong Tarangau i bin tok nogutim em na paitim em.

Mista Opi i tok tu olsem em i luksave long ol dispela opisal. Mista Bawa i tok ol polis

i lukluk long dispela komplemen, na bai ol i painim aut gut stori.

Em i tok ol dispela lain husat i mekim dispela pasin nogut long Mista Opi bai kisim mekim save bilong lo.

Em i tok tu olsem dispela kain pasin i no stret long wanem, bai mekim ol man i pret, na les long kamap reperi.

Mista Bawa i tok ol manmeri i mas soim rispek long ol reperi long wanem ol i save mekim bikpela wok insait long fil. Na sapos ol i no wanbel long ol disisen ol reperi i wokim, i gat rot long stretim na no ken pait.

- Weekend Softball Draws -

SEASON PROPER- ROUND ONE, GAME FIVE

Saturday, 23rd November 2013

DIAMOND TWO

TIME	TEAMS	TEAMS	GRADE	JMPRES	
9:00 - 10:15	GAZELLE	v	STINGERS	B	A.MOCE & J.PRAK
10:15 - 11:30	WOLVES	v	WANTORS	B	A.MOCE & N.PAUN
11:30 - 12:45	GAZELLE	v	STINGERS	A	
12:45 - 14:00	WOLVES	v	WANTORS	A	
BYE	CHEBUA & B				

DIAMOND THREE

TIME	TEAMS	TEAMS	GRADE	JMPRES	
9:00 - 10:15	ADMIRALTY	v	BEARS	B	T.SMITAB & M.BUNDU
10:15 - 11:30	YOKOMO	v	UNITED SISTERS	B	T.SMITAB & H.SCHULZ
11:30 - 12:45	ADMIRALTY	v	BEARS	A	
12:45 - 14:00	YOKOMO	v	UNITED SISTERS	A	
BYE	CHEBUA & B				



**Wol kap ragbi:
Koroibete mekim brek long ol Fiji...**

Marika Koroibete (R) bilong Fiji lukluk long rausim losia Soliola bilong Samoa long Ragbi Lig Wol Kap kota-fainal gem long The Halliwell Jones Stedium, mun Novemba 17, 2013 insait long Warrington, England.



**Soka:
Perth Glory**

Osama Malik bilong Adelaide na Jamie Maclaren bilong Perth Glory i salens long kism bal long namba siks A- Lig gem long Nib Stedium long Perth Australia long Mun Novemba 16, 2013.




Hall kism namba tu long Ingran

Ryan Hal bilong Ingran i wel tasol i go insait long trai lain na mekim namba tu trai bilong em long Ragby Lig Wol Kap kota-fainal gem egens France. Ryan Hall of England slides over the line to score his second try during the Rugby League World Cup quarter-final match against France, November 16, 2013 in Wigan, England.

Painim Bal Resis

A B C D E F G



Putim X insait long bokis yu ting bal i stap long en..

Eksampel: **C5**, long namel. Teksim i kam na traime laki bilong yu.

Baim Wantok Niuspepa olgeta wik na traime sans bilong yu!!

Wanpela wina tasol long olgeta wik!

Resis namba 4

Norman Ambuk i wina bilong Painim Bal Resis Namba 3. C/o - Ok Tedi, Tabubil, P.O. Box 225, WP

Lukim ansa long raithan sait bilong dispela pes!

Yes yah ol Wantok!! Bai yu gat sans tru long winim ol dispela promosen samting bilong Wantok Niuspepa....




Teksim Ansa bilong yu i kam long 7235 6149 na lusim nem na adres bilong yu tu...Sans yah!

Dispela resis bai stap i go inap long Desemba dispela yia, so noken wet, salim ol ansa kam na stail wantaim Wantok kep, t-siot na kola siot!!

Painim Bal Resis

A B C D E F G



ANSA bilong resis Namba 3

B3

Wanpela wina tasol long olgeta wik!

Yes yah ol Wantok!! Bai yu gat sans tru long winim ol dispela promosen samting bilong Wantok Niuspepa....



Teksim Ansa bilong yu i kam long 7235 6149 na lusim nem na adres bilong yu tu...Sans yah!

Dispela resis bai stap i go inap long Disemba dispela yia, so noken wet, salim ol ansa kam na stail wantaim Wantok kep, t-siot na kola siot!!



Oi spot eksen poto long wiken...

Oi Poto Nicky Bernard.

KAM KLOSTU: Gol suta bilong Aussie High Comm i lukluk long salim bal go long wan pilaia bilong em long Praivet Kampani Netbal long Mosbi.




STRAIK WAN:
Ketsa bilong Gazelle i ketsim bal na redi long tromoi go long namba tri bes long A gret pilai bilong ol man wantaim PNG Pawa long Mosbi.



Golkipa bilong Momase i laik kikim dispela bal taim straika bilong Yamaros i abrusim em. Momase i winim dispela pilai na wetim tasol gren fainal bilong Pot Mosbi Soka Asosiesen.



Maclaren pilaia i mekim stail pilai bilong em. Maclaren i winim Yuni long penelti sut aut na bai bungim Yamaros long wiken.



PAITIM DISPELA: Pitsa bilong PNG Pawa i redi long tromoi strongpela bal go long beta bilong Gazelle.

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



Moa oil na meat insait

TUNA IN OIL

Gavana Jenerel sainim pepa bilong 2015 Gems

GAVANA Jeneral Sir Micheal Ogio i sainim tupela pepa bilong 2015 Pasifik Gems.

Dispela tupela pepa em ol kontrak bilong Taurama Akuatik Senta, ples bilong swim na Gems Viles, ples we ol spot manmeri bai stap long em taim ol i pilai long 2015 Pasifik Gems.

Mani mak bilong tupela kontrak wantaim i stap olsem K49 milien, we K13

milien i bilong Taurama Akuatik Senta na K36 milien bilong Gems Viles.

Gavman bilong Papua Niugini i givim dispela tupela kontrak long tupela kontraksen kampani. Wapela em kampani bilong Itali, A&T Europe Spa, bai ol i wok long Taurama Akuatik Senta. Na narapela em China Railway Construction Engineering (CRCE), ol i wok long Gems Viles.



Gavana Jeneral i sainim agrimen wantaim ol mausman bilong ol kontraksen kampani.

Kumul kosa autim wari - Pes 25

Wol spot - Pes 26
Ol spotpoto - Pes 27

Johnston's Pharmacies

Varta Batteries and Remington products

10% Discount

Specials

P.O. Box 1066 Boroko
 Phone: 325 3185, Fax: 325 0190
 Email: sales@johnstons.com.pg